




文獻通考卷五十八

鄱陽馬端臨貴與著



考
密院

唐代宗永泰中。置內樞密使。始以宦者為之。初不置
司局。但有屋三楹。貯文書而已。其職掌惟承受表奏。
於內中進呈。若人主有所處分。則宣付中書門下施
行而已。永泰中。宦官董廷秀參掌樞密事。元和中。劉
光琦。梁守謙。為樞密使。長慶中。王守澄知樞密事。舊
左右軍容多入為樞密。亦無視事之廳。後僖昭時。楊

復恭西門李玄欲奪宰相權。乃於堂狀後帖黃指揮公事。此其始也。後梁革唐世宦官之弊。開平元年。改樞密院為崇政院。命敬翔為使。始更用士人。其備顧問。參謀議于中。則有之。未始專行事於外也。唐莊宗同光元年。復以崇政院為樞密院。命宰臣郭崇韜兼使。又置院使一人。然權侷宰相矣。晉天福中以桑維翰知樞密院事。四年。廢樞密院。以劉處謙兼樞密奏議多不稱旨及處謙丁內憂。遂開運元年。復置以宰臣桑維翰兼使。周顯德六年。范質。王溥。並參知樞密院事。宋朝樞密院與中書對持文武二柄。號為二府。院在中書之北。印有

東院西院之文。而共為一院。但行東院印。建隆元年。以魏仁浦。吳興祚為樞密使。趙普為副使。周末。闕副使。至是始置。太平興國四年。以石熙載為樞密直學士。以簽書院事。直學士六人。備顧問應對。然未嘗盡除簽書之名。始此。淳化三年。以張遜知院事。溫仲舒寇準。同知院事。同知院之名始此。治平中。以郭逵同簽書院事。同簽書之名始此。舊制樞密院有使。則置副使。有知院。則置同知。如置知院。則當為副使者。皆改同知。若置使。則同知復改為副使。熙寧元年。文彥博。呂公弼為使。韓絳。邵亢為副使。時陳升之三。至樞

府神宗欲稍異其禮。乃以為知院。於是知院與使副並置矣。元豐改官制。議者欲廢密院歸兵部。神宗曰。祖宗不以兵柄歸有司。故專命官統之。互相維制。不從。然以密院聯職輔弼。非出使之名。乃定置知院同知院二人。餘悉置職事。多所釐正。細務分隸六曹。專以兵機軍政為職。而契丹國信民兵牧馬。猶總領焉。中興初。有知院同知院。簽樞同簽樞。不置樞密使副。使紹興七年。張魏公既薦秦檜。未欲其與己並。又以故相不可除他官。乃先白高宗降旨。以本兵之地事權宜重。特除樞密使。秦檜首復除樞使。王敏節副之。既而張劉二將。並除樞密使。岳飛副之。合典故矣。近歲張浚。汪徹。虞允文。王炎。王淮。周必大。王藺。趙汝愚。繼除樞使。其副止稱同知。蓋相承之誤。

石林葉氏曰。梁改樞密院為崇政院。唐莊宗復舊名。遂改為樞密院。直學士。至明宗時。安重誨為樞密使。明宗既不知書。而重誨又武人。故孔循始議置端明殿學士二人。專備顧問。以馮道。趙鳳為之。班翰林學士上。蓋樞密院職事官也。本朝樞密院官既備。學士之職浸廢。然猶會食樞密院。每文德殿視朝。則升殿侍立。亦不多除。

人。官制行。乃與職事皆為職名。為直學士之冠。不隸樞密院。升殿侍立。為樞密都承旨之任。每吏部尚書補外。除龍圖閣學士。戶部以下五曹。則除樞密直學士。相呼謂之密學。容齋洪氏隨筆曰。唐世樞密使。專以內侍為之。與他使均稱內諸司。五代以來。始參用士大夫。遂同執政。案實錄所載。景德二年三月。元德皇后忌。中書樞密院文武百官並赴相國寺行香。初樞密院言舊例國忌行香。惟密院使副。依內諸司例不赴。恐有虧恭恪。今欲每遇大忌日。與中書門下同赴行香。從之。樞密使副。翰林樞密直學士並赴。自茲始也。然則樞密之同內諸司久矣。隆興以來。定朝臣四參之儀。自宰臣至于郎官御史。皆班列殿庭拜舞。惟樞密立殿上不預。亦此意云。按樞密之名。始於唐代。宗寵任宦者。故置內樞密使。使之掌機密文書。如漢之中書謁者令是也。若內中處分。則今內樞密使宣付中書門下施行。則其權任已侔宰相。至僖昭間。楊復恭。西門季玄之徒。遂至於視事行文書矣。昭宗天復元年。既誅劉季述。乃勅近年宰

文獻通考卷五十八
相延英奏事。樞密院侍側。爭論紛然。既出。又稱上旨未允。復有改易。撓權亂政。自今並依太中舊制。俟宰相奏事畢。方得升殿。承受公事。蓋當時所謂樞密使者。專橫如此。朱梁懲唐敝。不用宦者。然徒知宦者之不可用。而不知樞密院之不必存也。乃復改為崇政院。以敬翔為使。至後唐而復樞密院。郭崇韜安重誨相繼領其事。皆腹心大臣。則是宰相之外。復有宰相。三省之外。復有一省矣。宋興始以樞密與中書對持文武二柄。號稱二府。然後

樞密院之設。始專有職掌。不為贅疣。然祖宗時樞密院官。雖曰掌兵。亦未嘗不兼任宰相之事。景德四年。中書命秘書丞楊士元通判鳳翔府。樞密院命之掌內香藥庫。兩府不相知。宣勅各下。乃詔自今中書所行事。關軍機及內戰者。報樞密院。樞密院所行關民政。及京朝官者。報中書。是樞密院得以預除授之事也。又是年命宰臣王旦監修兩朝正史。知樞密王欽若陳堯叟參知政事趙安仁並修國史。是樞密院可以預文史之事也。至慶曆

以後始以宰相兼樞密使。及元豐官制行，欲各主其名，遂不復兼。乃詔釐其事大小，大事三省與密院同議進呈，畫旨稱三省樞密院同奉聖旨。三省官皆同簽書，付樞密院行之。小事樞密院獨取旨行訖，關三省。每朝三省樞密先同對樞密院，退待於殿廡。三省始留進呈，三省事退，樞密院再上進呈，獨取旨，遂為定例。然熙寧初，以司馬溫公為樞密副使，公以言新法不見聽力辭，上使人謂之曰：「樞密兵事也，官各有職，不當以他事辭。」其時文

潞公亦在樞府，雖持正論，終不能抑新法之行。至哲宗初即位，蔡確為相，溫公為門下侍郎，章惇知樞密院。溫公欲復差役法，而確言此大事，當與樞密院同議取旨。惇果駁溫公所言。然則密院雖可以參謀三省之事，而又在所以委任之者如何。溫公、潞公當熙寧之時，與國論不合，則欲其專任本兵，不預他事。蔡確當元祐之初，欲引章惇以自助，則欲其共立異議，陰排正人。至紹聖以後，則兩府皆憚人，附會紹述，更無異議，亦不復聞以文馬

之傳參錯其間矣

樞密使

五代置樞密使。國初因之。詳見樞密院門宋朝建隆二年以

樞密副使兵部侍郎趙普為檢校太保充樞密使。不

帶正官。自普始也。又以宣徽北院使李處榮為南院

使。兼樞密副使。自五代以來凡樞密院官皆文武參

並為檢校太保充樞密副使亦不帶正官開寶九年以曹彬為樞密使。領

忠武軍節度使。帶節度自此始也。至道三年以鎮國

中充樞密使彬自太平興國六年以樞密副使石熙

節鎮入罷旄鉞載為戶部尚書。充樞密使。以文資正官充使。自此始

也。大中祥符五年以知樞密院王欽若陳堯叟同中

書門下平章事。充樞密使。儒臣為樞使。兼使相。自此

始也。皇祐五年制以樞密使高若訥為尚書左丞。觀

文殿學士。兼翰林侍讀學士。同群牧制。置使。故事罷

樞密使。當學士降麻。及若訥罷。但令舍人草詞。遂以

為例。元豐官制行。罷使副。紹興七年詔樞密本兵之

地。事權宜重。可依故事置樞密使副使。閏月詔宰臣

兼使。同月詔樞使立班序。立依宰相例。乾道五年以

虞允文為樞密使。立班恩數。並依宰臣

宰相兼樞密使

樞密使帶相印為樞相。自後唐始。宋初魏仁浦以宰相兼樞密使。後罷。慶曆二年。二邊用兵。富弼言邊事係國安危。國初范質王溥以宰相兼知樞密事。今兵興宜令宰相兼領。仁宗然之。令中書同議樞密院事。呂夷簡為首相。曰。恐樞密謂臣奪權。時諫官亦論宰相宜知兵事。遂降制以宰相判樞密院。或曰。二府體均。判字太重。乃改為兼樞密使。建炎初。置御營司。以宰相為之使。四年。罷之。以其事歸樞密院機速房。以宰相范宗尹兼知樞密院。自慶曆後。宰相不兼樞密者八十餘年。其兼自此始。紹興七年。令宰臣張浚兼樞密使。趙鼎秦檜亦以左右僕射兼。紹興二十五年。秦檜死。乃詔依祖宗故事。更不兼領。其後或兼或不。至開禧而宰臣兼使為永制矣。

知樞密院

晉天福初。桑維翰以翰林學士尚書禮部侍郎知樞密院事。知院之名始此。宋初不置。淳化二年。樞使王顯出鎮。始以張遜知樞密院事。知樞密院同知院。並正二品。知院掌佐。天子執兵政。而同知院為之副。凡邊防軍務。常與三省分院稟奏。事干體要。則宰相執政官合奏。神宗正史元豐官制行。廢樞密使。政和末。

職官志

元豐官制行。廢樞密使。政和末。

鄧莘公官至少保。猶止為知院馬。中興初。宰相兼樞密。只兼知院。

容齋洪氏隨筆曰。國朝樞密之名。其長為使。則其貳為副使。其長為知院。則其貳為同知院。如柴禹錫知院。向敏中同知。及曹彬為使。則敏中改副使。王繼英知院。王旦同知。繼馮拯。陳堯叟亦同知。及繼英為使。拯堯叟乃改簽書院事。而恩例同副使。王欽若。陳堯叟知院。馬知節。簽書及王陳為使。知節遷副使。其後知節知院。則任中正。周起同知。惟熙寧初。文彥博。呂公弼已為

使。而陳升之過闕留。王安石以升之。曾再入樞府。遂除知院。知院與使並置。非故事也。安石之意。以沮彥博耳。紹興以來。唯韓世忠。張浚為使。岳飛為副使。此後除使固多。而其貳只為同知。亦非故事也。又使班視宰相。而乾道職制雜壓。令副使反在同知之下。

又曰。趙汝愚初拜相。陳騏自參知政事。除知樞密院。趙辭不受相印。乃改樞密使。而陳已供職累日。朝論謂兩樞長。又名稱不同。為無典故。然熙寧間。陳升之知樞密院。文彥博。呂公弼為使。

乃知院與使並命故事也

同知樞密院

五代有參知樞密院事。詳見樞密院宋朝國初闕。淳化二

年。王顯出鎮。張遜知樞密院事。始以温仲舒寇準。同

知院。同知之名。自此始也。元豐官制行。廢使副。存同

知。紹興中。高宗以本兵之地。事權宜重。依祖宗故事

置樞密使。而知院同知院亦仍舊。由是並除

簽書樞密院 同簽書院事

宋太平興國四年。石熙載以樞密直學士。簽書院事。

簽書之名。自此始也。八年。張齊賢王沔。並以右諫議

大夫。簽書樞密院事。端拱元年。以內客省使楊守一。

為宣徽北院使。簽書密院事。景德三年。韓崇訓檢校。

太傅馬知節為檢校太保。並簽樞密院事。天禧四年。

以華州觀察使曹瑋。為宣徽北院使。鎮國軍留後。簽

書樞密院事。簽書兼藩鎮。自此始也。元豐官制行。使

副簽書悉罷。元祐初。復置簽書樞密院事。初除皆帶

密直。及罷政。乃拜端明殿學士。靖康初。李回首拜延

康殿學士。簽書延康。今為端明。自是遂為故事

樞密院。舊無同簽書院事者。治平中。始以郭逵為之

簽書。大抵以處資淺之人。若簽書一經親祠。方進同

知及樞副。若武臣權預國政。只除同簽書。

容齋洪氏隨筆曰。樞密使副使。知院事同知院

事。簽書同簽書之別。雖品秩有高下。然均稱為

樞密。明道中。王沂公自故相召為檢校太師。樞

密使李文定公為集賢相。以書迎之於國門。稱

曰。樞密太師相公。予家藏此帖。紹興五年。高宗

車駕幸平江。過秀州。執政從行者四人。在前者

傳呼宰相。趙忠簡也。次呼樞密。張魏公也。時為

知院事。次呼參政。沈必先也。最後又呼樞密。則

簽書權朝美云。予為檢詳。時葉審言黃繼道為

長貳。亦同一稱。而二三十年以來。遂有知院同

知之目。初出於典謁街卒之口。久而朝士亦然。

名不雅古。莫此為甚。

都副承旨

五代有承旨副承旨。以諸衛將軍充。

魏仁浦為樞密副承旨。周祖問

此兵之數及將校名氏。今取簿參視之。仁浦曰。臣悉能記之。遂口占以對。無一差誤。宋太平興

國中。以楊守一充都承旨。都承旨。自守一始也。是時

都承旨副承旨。多用士人。真宗後。稍稍遂用吏人。歐

陽脩建言。請復舊制。不克行。熙寧二年。始以東上閣

門使李評為樞密都承旨。李綬為之副。不用院吏而

更用士人。自評始也。

續會要初評受命文潞公為樞使以舊制見不為禮評訐於上

命檢故事不獲乃詔都承旨副承旨見樞密使副並如閣門使禮

熙寧五年以尚書

比部員外郎集賢校理同修起居注曾孝寬為起居

舍人充史館修撰兼都承旨先是或用士人亦止於

右職中選用文館兼領自孝寬始也元豐三年用張

誠一為客省使都承旨自是都承復用武臣元祐中

復以文臣帶待制充都承旨

哲宗職官志

至崇寧以後則

專用武臣矣

四朝志

紹興二年權禮部侍郎趙子畫充

徽猷閣待制密院都承旨自改官制後除文臣自子

畫始

中興系年錄

建炎四年高宗在會稽以武臣辛宗道

為都承旨頗用事紹興元年十二月辛宗道既免乃

詔依元祐職制置都承旨一員並差兩制為之然但

聞一二人而已淳熙中王抃久用事孝宗惡焉遂復

用士人

檢詳

檢詳之職古無之宋熙寧四年詔以編修經武要畧

官四人王存陳侂陳奉世蘇液檢詳樞密院諸房文

字禮遇視中書檢正官元豐三年詔定置三員及改

官制檢詳官尋罷建炎三年樞密院請依祖宗朝置

檢詳諸房文字兩員叙位在左右司之下紹興二年

文獻通考卷五十八
十一
詔樞密院已置。都承旨一員。減檢詳一員。樞密請置二員。從之。三十二年。詔樞密院諸房。令檢詳書擬。從左右司請也。乾道二年。詔樞密院檢詳。係掌朝廷機要文字。不許出謁。及接見賓客。亦令遵兩省官施行。

編修官

編修官。古無之。慶曆四年。史館王洙承旨。單士寧。編修例冊。編修之名自此始。熙寧二年。樞密院乞將祖宗以來法制。所宜施行於久遠者。並與刪取大旨。著為畫一。及聖政釐革。檢尋本院文書。以次記錄其事。目曰。兵制。凡招揀屯戍訓練之類。皆附焉。曰。馬政。曰。

邊防。曰。夷狄。曰。屬國。曰。守城。曰。器械。曰。捕盜。曰。選材。曰。責効。各以其事類相從。一如兵制。候編成策。仍於逐門各留空紙。以備書載將來處置事件。從之。詔以經武要畧為名。熙寧三年。以館職王存。顧臨等同編經武要畧。兼刪定諸房例冊。元祐四年。詔密院條例久未編修。又自官制後。舊事例他司所存者。亦未刪正。命承旨司取索編修。以奉議郎蔡駟。宣德郎衛規充編修官。舊以四員為額。紹興兵興。裁省其半。三年。樞密請置檢詳二員。編修止存一員。後復編修官。隨事置無定員。以本院官兼者不入銜。

宣徽院

唐置宣徽南北院使有副使。宦者嚴季寔楊復恭皆嘗為之梁因之

後唐省副使院在樞密院北。二使共院而各設廳事。

使各一人。以檢校官為之。或領節度及兩使。留後闕

則樞密副使一人兼領二使。亦有兼樞密副使。簽書

樞密院者。南院使資望比北院使稍優。然事皆通掌。

只用南院印掌總領。內諸司及三班內侍之籍。郊祀

朝會宴饗供帳之事。應內外進奉。悉檢視其名物。分

掌四案。曰兵案。曰騎案。曰倉案。曰胄案。其吏史則有

都勾押官。前行後行。其給使則有知客押衙。道引行

首之屬。故事與參知政事。樞密副使。同知樞密事。以

先後入叙位。熙寧四年。詔位參知政事。樞密副使。同

知樞密院。下著為令。九年。詔今後遇以職事侍殿。或

中書樞密院。合班問聖體。及非次慶賀。並特叙二府

班。官制行。罷宣徽院。以職事分隸省寺。而使號猶存。

初王拱辰治平中。知宣徽院。神宗即位。拜太子少保。

明年。檢校太傅。改宣徽北院使。尋遷南院。立班序位。

視簽樞。元豐六年。拱辰除安武軍節度使。再任自此

遂罷使名。不復除。獨太子少師張方平。許依舊領南

院使致仕。哲宗即位。始遷太子太保。而罷使名。元祐

三年復置南北院使。儀品恩數如舊制。在京人從視
簽樞。六年以馮京為南院使。而張方平亦復使名。中
書舍人韓川言祖宗設此官。禮均二府。以待勲舊。未
嘗帶以致仕。且宣徽武官也。官保文官也。不宜混并。
不聽。方平亦固辭不拜。七年馮京亦以使致仕。紹聖
三年議者言官名雖復。而無所治之事。乃罷之。

按樞密宣徽院皆始於唐。然唐之職官志及
會要畧不言建置本末。蓋因肅代以後特設
此官以處宦者。其初亦無甚司存職業。故史
所不載。及其後宦者之勢日盛。則此二官日

尊。及五代以來。至於宋朝。則皆以大臣為之。
然樞密既專掌兵事。繁任重。故其官不可一
日廢。而副貳屬官亦不容不備。宣徽位尊而
事簡。故常以樞密院官兼之。或以待勲舊大
臣之罷政者。及官制行而事各有所隸。則愈
覺贅疣。故遂廢罷云。

將軍總叙

三代之制。天子六軍。其將皆命卿。故夏書曰。大戰于
甘。乃召六卿。蓋古之天子。寄軍政於六卿。居則以田
警。則以戰。所謂入使治之。出使長之之義。其職在國。

則以比長。閭胥族師黨正。州長。卿大夫為稱。在軍則以卒伍。司馬。將軍為號。所以異軍國之名。諸侯之制。

大國三軍。次國二軍。小國一軍。其將亦命卿也。晉獻

公初作二軍。公將上軍。未有其號。魏獻子衛文子始

有將軍稱。左傳曰。晉閻決女寬謂魏子曰。豈將軍食

將軍又禮記曰。喪自戰國置大將軍。周末又置前後左

右將軍。秦因之位。上卿。金印紫綬。漢興置大將軍。驃

騎將軍。位次丞相。車騎將軍。衛將軍。左右前後將軍。

皆金印紫綬。位次上卿。後漢志曰。漢將軍驃騎車騎衛將軍

掌京師兵衛四夷屯警。孝武征閩越東甌。又有伏波

樓船。及伐朝鮮大宛。復置橫海度遼貳師。宣帝增以

蒲類破羌。權時之制。若此非一。亦不常設。光武中興

諸將軍皆稱大。及天下已定。武官悉省。四征興於漢

代。四安四平。起於魏初。後漢有三鎮之稱。魏有鎮北

之號。晉武帝重兵官。故軍校多選朝廷清重之士。居

之。置中軍將軍以統宿衛。七軍及五王作難。東海王

越以頃興事。皆由殿省。乃奏宿衛有侯爵者皆罷之。

時殿中武官並封侯。由是出者畧盡。皆涕泣而去。乃

以東海國官領左右衛。以國兵宿衛。晉宋以來。以領

軍護軍左右二衛。驍騎游擊將軍。謂之六軍。宋輿服

騎車騎衛將軍及諸將軍加大者皆金章紫綬武冠佩水蒼玉諸軍司馬銀章青綬朝服武冠其四

安四平。左右前後征虜等將軍。及四中郎將。晉代荀

羨。王胡之。並居此官。宋齊以來。唯處諸王素族無為

者。齊以二衛四軍五校。驍騎游擊。積射強弩。殿中負

外。殿中武衛七將軍。殿中司馬左右及虎賁之中郎

將。冗從僕射。羽林監。武騎常侍。謂之西省。而散騎為

東省。梁將軍之名高下舛雜。命更加釐定。於是。有司

奏置一百二十五號將軍。以鎮衛驍騎車騎為二十

四班。四征四中為二十三班。八鎮為二十二班。八安

為二十一班。四平四翊為二十班。凡三十六號為重

號將軍。又有五德將軍。忠勇軍師武臣爪牙龍騎雲

仁威勇威信威嚴威智武仁武勇以班名者為貴。凡

十品。二十四班品取其盈數。班法氣候之數。制簿悉

以大號居後。以為選法自小遷大也。前史所記一位

得從公。故將軍之名。次于台槐之下。至是備其班品。

叙於百官之外。凡一百二十五將軍。後魏將軍之名

多矣。謂驍騎軍騎衛為三將軍。末年有八柱國大將

軍。其中六人。各督二大將軍。凡十二大將軍。元贊元

侯莫陳順字文遵達奚武李遠卜豆慮又各分統開

府一人。一開府領一軍兵。是為二十四軍。分掌禁旅。

當爪牙禦侮之寄。自大統十六年以後。功臣位至柱國。及大將軍者衆矣。咸是散秩。無復統禦。後周武帝三年改諸

軍軍士並為侍官。隋煬帝以左右衛。左右屯衛。左右御衛。左

右候衛。凡十二衛。各置大將軍一人。將軍二人。以總

府事。每衛各置長史錄事參軍司倉蓋魏周十二大

將軍之遺制。唐武德初。秦王既平。王世充及竇建德。

高祖以秦王功殊。今古自昔位號。不足以為稱。乃特

置天策上將軍。以拜馬。位在三公上。及外儲官。遂廢

天策府。二年七月。高祖以天下未定。事資武力。將舉

關中之衆。以臨四方。乃置十二軍。分關中諸府。以隸

焉。以萬年道為參施軍長安道為鼓施軍富平道為

道為騎官軍寧州道為折威軍岐州道為平道軍幽

州道為招搖軍麟州道為苑游軍涇州道為天統軍

宜州道為每軍將一人。副一人。取威名素重者為之。

天節軍楊恭仁。劉洪基。長督。咩戰之備。自是士馬強勁。無敵。

於天下。五年省。七年。以突厥寇掠。復置十二軍。後又

省之。其後定制。有左右衛。左右驍。左右武。左右威。左

右領軍。左右金吾。左右監門。左右千牛。凡十六衛。大

將軍各一人。左右衛及左右金吾總謂將軍總三十

人。左右千牛衛將軍各左右羽林。左右龍武。左右神

武。六軍大將軍各一人。將軍各三人。皆有衛署。其驃

騎輔國鎮軍冠軍四大將軍。雲麾勇武壯武宣威。明威定遠寧遠游騎游擊等九將軍。並為五品以上武散官。先天二年正月十日。詔往者衛士計戶取充。使二十一入幕。六十出軍。既憚劬勞。咸欲避匿。今改取二十五以上充。十五年即放出。頻經征鎮者。十年放出。自今已後。羽林飛騎。先於衛士中簡擇。開元六年。始詔折衝府兵。每六歲一簡。自高宗武后時。天下久不用兵。府兵之法浸壞。番役更代。多不以時。衛士稍去匿。至是益耗散。宿衛不能給。宰相張說乃請一切募士宿衛。十一年。取京兆蒲同岐華府兵及白丁。

而益以潞州長從兵。共二十萬。號長從宿衛。歲一番。命左丞蕭嵩與州刺史共選之。明年更號曰彍騎。

肅宗以後。有左右神策軍。各置大將軍一人。統軍各二人。將軍各四人。後唐長興三年。勅衛軍神威雄威。及魏府廣捷。以下指揮。宜改為左右羽林。置四十指揮。每十指揮立為一軍。每一軍置都指揮使一人。兼分為左右廂。應順元年。改左右羽林。四十指揮。為嚴衛左右軍。龍武神武。四十指揮。為捧聖左右軍。清泰元年。改捧聖馬軍為彰聖左右軍。嚴衛步軍為寧衛左右軍。宋朝承前代之制。有左右金吾衛。左右衛。

上將軍。左右驍衛。屯衛。領軍衛。監門衛。千牛衛。上將軍。諸衛大將軍。諸衛將軍。並為環衛。官無定員。皆命宗室為之。亦為武臣之贈典。大將軍以下。又為武臣責降散官。政和中。改武臣官制。而環衛如故。蓋雖有四十八階。別無所領。故也。至於禁旅。則有殿前司。都副指揮使。侍衛步軍。馬軍。都副指揮總之。至孝宗時。始令節度使領左右金吾衛上將軍。承宣使領左右衛上將軍。在內則兼帶。在外則不帶。

左右衛

漢京師有南北軍。掌理禁衛。

南軍若唐諸衛北軍若唐羽林等軍周勃馳入

北軍是也

初有衛將軍。魏末。晉文王又置中衛將軍。武帝

受禪。分中衛為左右衛將軍。

以羊琇為左趙序為右

並置佐吏。

皆掌宿衛營兵。銀章青綬。武官絳朝服。佩水蒼玉。宋

齊謂之二衛。各領營兵。每暮一人宿直。後增二衛儀

從。為九十人。陳因之。後魏永光初。又增置左右衛將

軍各二人。北齊二人。分掌左右廂。所主朱華閣以外

各武衛將軍二人。貳之。隋初。左右衛大將軍各一人。

將軍各二人。又各統親衛。煬帝改左右衛為左右翊

衛。

又加置親衛并領勳武三衛煬帝改二衛為三侍非翊衛府皆無三侍

其所領軍士。

名為驍騎。唐復為左右衛大將軍各一人。

掌宮掖禁禦督攝隊

伍將軍各二人。軍事大將軍宋有左右衛上將軍。大將軍。

將軍。中郎將郎。並為環衛官。無定負。皆命宗室為之。

亦為武臣之贈。自大將軍以下。又為武臣責降散官。

長史。左右衛各一人。晉武帝置左右衛各長史。歷宋齊梁陳後魏北齊並同置。

隋左右衛各置長史一人。唐因之。

錄事參軍。左右衛各一人。東晉元帝初為鎮東大將軍。自後無梁皇子府有錄事。

參軍各一人。後魏二人。公府及第一第二第三品將

軍府及始蕃王二蕃王府各有錄事參軍官。北齊因

之。隋左右衛府各有錄事參軍一人。唐因之。

倉曹參軍。左右衛各二人。東晉元帝為鎮東大將軍。有倉曹參軍二人。宋武帝亦置後魏與錄

事參軍同置。北齊因之。隋左右衛府各有倉曹參軍一人。唐因之。置二人。

兵曹參軍。左右衛各二人。歷代皆與倉曹同置。

騎曹參軍。左右衛各一人。魏司馬景王為大將軍。有騎曹參軍。宋武帝為相。亦有之。齊有左

府有騎兵參軍。唐初因之。其後改為騎曹。

胄曹參軍。左右衛各一人。東晉元帝為鎮東大將軍。有胄曹參軍。宋武帝亦為鎮東大將軍。有左

右鎧曹各一人。隋左右衛府有鎧曹。行參軍事。元初

唐因之。長安初改為胄曹。神武初復為鎧曹。開元

復為胄曹。凡自十六衛及東宮十率府錄事及兵倉

將軍有長史。以下官屬及唐諸衛所置蓋亦因其

舊號考其資位。則全校微矣。其下諸衛官並同。其

左右親衛中郎將府。中郎將各置開府二員。以統之。隋

武德七年改開府為中郎將親衛驃騎尉置左右郎將唐因

各為一府中郎將各一人掌領校尉為一府下宿衛總長

衛亦然左右郎將一人隋備侍尉置左右郎將唐因

其名武德十年改親衛車騎將軍為之其勳衛翊衛亦然掌二中郎將之職錄事參軍一人掌受府事兵曹參軍一人掌判府事校尉五人

左右驍騎

漢有驍騎將軍謂之雜號將軍武帝以李廣為之後省後漢初改屯衛為驍騎魏置為中軍晉領營兵兼統宿衛梁以來其任愈重天監六年置左右驍騎領朱衣直閣並給儀從北徐州刺史唱義之首為此職出則羽儀清道入則與二衛通直臨軒則升殿夾侍改舊驍騎曰雲騎陳有左右驍騎及雲騎後魏北齊並有驍騎將軍之職後周有左右驍騎率上士隋開

皇十八年置備身府煬帝即位改左右備身府為左右驍尉府所領軍士名曰豹騎其備身府又別置焉唐因隋置左右驍衛府龍朔二年去府字光宅元年改左右驍衛為左右武威神龍元年復舊大將軍各二人所掌與左右衛同將軍各二人以副之

領官屬並隋置

唐因之同左右衛

宋制見總序

左右武衛

後漢末曹公為丞相有武衛營及魏文帝乃置武衛將軍以主禁旅晉宋齊梁隋又有建武奮武廣武等將軍至隋採諸武之名置左右武衛大將軍一人將

軍二人。以總府事。煬帝改所領軍士名熊騎。唐光宅元年。改為左右鷹揚衛。神龍元年。復為武德。其制與隋同。所掌如左右衛。領官屬並隋置唐宋制見總序

左右威衛

隋初有領軍府。煬帝改為左右屯衛。唐因之。貞觀十二年。左右屯衛始置飛騎。出遊幸。即衣五色袍。乘六閑馬。賜猛獸衣韉。而從焉。龍朔二年。改左右屯衛為左右威衛。而別置左右屯營。亦有大將軍等官。尋改左右

屯營為羽林光宅元年。改威衛為豹韜衛。神龍元年。復舊。所掌如左右衛。領官屬並隋至唐因之同左右衛龍朔三年左右威衛舊官之負外各置

錄事參軍一人府三人史四人並隸左右羽林軍統本司事

左右領軍衛

初魏武為漢丞相。相府自置領軍。非漢官也。建安十二年。改為中領軍。以史渙為之。與護軍韓浩皆領禁兵。文帝受漢禪。始置領軍將軍。以曹休為之。主五校中壘武衛三營。晉武帝初省。使中軍將軍羊祜統二衛。前後左右驍騎七軍營兵。即領軍之任也。祜遷罷。復置北軍中候。懷帝永嘉中。改中軍為中領軍。元帝永昌元年。復改曰北軍中候。尋復為領軍。成帝時。復以為中候。而陶侃居之。尋復為領軍。魏晉領護皆金

章紫綬中領中護銀章武冠絳朝服佩水蒼玉晉都

亮紀瞻下壺陸曄褚翼王彪之會稽王道子宋置領

軍將軍一人掌內軍護軍將軍一人掌外軍齊有領

軍及中領軍梁領軍將軍管天下兵要謂之禁司與

左右僕射為一流中領軍與吏部尚書為一流陳因

之後魏有領軍護軍二職若侍臣帶者加中又有領軍將軍護

軍將軍二將軍與領護不並置北齊領軍府凡禁衛

官皆主之以高歸彥為領軍大將軍領軍加大自歸

彥始隋有左右領軍府各掌十二軍籍帳差科辭訟

之事不置將軍惟有長史司馬諸曹掾屬等官煬帝

改領軍為左右屯衛左右威衛唐復採舊名別置領

軍衛分為左右龍朔二年改為左右戎衛咸通元年

復舊光宅元年改為左右玉鈐衛神龍元年復舊各

置大將軍一人掌宮掖禁備督攝隊伍與左右諸衛

同將軍各二人以副之長史齊梁陳並有之北齊有

曹唐因之衛宋為環衛官無定負無職事皆命宗室為

之詳見靖康元年御史中丞陳過庭言請遵藝祖開

寶初罷諸節度使歸環衛故事於是節度使錢景臻

等並為左右金吾衛上將軍孝宗隆興初詔學士院

使。則領左右金吾衛上將軍。承宣使。則領左右衛上將軍。在內則兼帶。在外則不帶。正任為上將軍。遙郡為大將軍。正使為將軍。副使為中郎將。使臣以下為左右郎將。通以十員為額。宗室不在此例。餘管軍則解。或領閤門皇城之類。則仍帶。雖戚里子弟。非戰功不除。上謂宰相謂欲以此儲將才。重環衛。如文臣儲才於館閣也。

左右金吾衛

秦有中尉。掌徼循京師。如淳曰所謂掌其徼循禁備盜賊也。顏師古曰徼謂遮遠也。顏師古曰金吾官名也。案起居注天子出漢武帝太初元年。更名執金吾。

職主先導以備出入。故緹騎二百人。北史金表五百

威猛鳥之象。因以名官。緹騎二百人。北史金表

六十人。輿服導從。風生滿路。群僚之中。斯最壯矣。武光

微時歎曰仕宦當為執金吾復掌京師盜賊。考按從事。後漢掌宮

外戒司非常水火之事。衛尉巡行宮內金吾徼巡宮外相為表裏以擒奸捕猾

月三繞行宮外。及主兵器。自中興但專徼循。不與他

政。魏武秉政。復為中尉。晉初罷直。至後周。置武環率

武侯。率下大夫各二人。隋置左右武侯府。大將軍一

人。將軍三人。掌車駕出入。先驅後殿。晝巡夜察。執捕

姦非。烽候道路水草所宜。巡狩師田。則掌其營禁。煬

帝大業三年。改為左右武侯衛。所領士名。飲飛。漢百官表

曰漢有左武右武衛大初元年更名攸飛唐初又為

左右武侯府。龍朔二年改為左右金吾衛。置大將軍

一人。所掌與隋同。將軍二人副其事。領官屬並隋宋

制見左右領軍衛門

左右監門衛

隋初有左右監門府。將軍各一人。掌宮殿門禁及守

衛事。各置郎將二人。校尉直長各三十人。有長史司

倉兵二曹參軍鎧曹行參軍各一人二漢煬帝改將

軍為郎將各一人。正四品。署官屬並同備身府。唐左

右監門府。置大將軍中郎將等官。龍朔二年改府為

衛。大將軍各一人。所掌與隋同。將軍各二人以副之。

中郎將各四人。分掌諸門。以時巡檢。領官屬並隋宋

制見總叙

左右千牛衛

千牛。刀名。後魏有千牛備身。掌執御刀。因以名職。謝

宋拾遺有千牛刀。即人君防身刀也。齊尚書楊玉夫

取千牛刀殺蒼梧王是也。其義蓋取莊子云庖丁解

牛十九年所割者數千牛而刀名北齊千牛備身。屬左

右將軍。隋有左右領左右府。大將軍一人。將軍二人。

掌侍衛左右供御兵仗。領千牛備身十二人。掌執千

宿衛侍從。左右置長史司馬錄事及倉場帝改左右

領左右府。為左右備身府。置備身郎將等官。唐貞觀

中。復為左右領左右府。顯慶五年。始置左右千牛府。

龍朔二年。改左右千牛府。為左右奉宸衛。後改為左

右千牛衛。神龍二年。各置大將軍一人。所掌與隋同。

總判衛事。將軍各一人。以副之。中郎將各一人。通判

衛事。諸官屬即隋左右領左左右千牛備身各十二

人。掌執御刀。宿衛侍從。皆以門廕子弟年少姿容美

選備身左右十二人。宿執御刀弓箭備身各一百人。宿

衛侍宋制見總叙

左右羽林衛

漢武太初元年。初置建章營騎。後更名羽林。象天文

主車宣帝令中郎將騎都尉監羽林。謂之羽林中郎

將。領郎百人。謂之羽林郎。選隴西漢易安定北地。西

河上郡。良家子便弓馬者以為之。一名巖郎。後漢志

游獵還宿殿階巖又置羽林左右監。後漢志曰羽林

下室中故號巖郎又置羽林左右監。後漢志曰羽林

林。官教以五兵。號曰羽林孤兒。光武中興。以所征伐

士勞苦者為之。其後復簡五營高手。別為左右監羽

林。父死子繼。與虎賁同。所居之處謂之寺。延熹六年

林郎住寺不一漢並屬光祿勳。後漢竇固鄧魏羽林

左右監與漢同。夏侯太初為晉罷羽林中郎將。又省。

一監置一監而已。哀帝省。宋武帝永嘉初復置。江右

領營兵。江左無復營兵。羽林監及虎賁中郎將。並銅

印墨綬。武冠絳朝服。其在陛列。則鷩尾冠。鷩鳥每闕

絳紗縠單衣。江左不復著鷩冠。齊因之。後魏有羽林

監。北齊置監十五人。後周有左右羽林。率屬大司馬。

隋煬帝改左右領軍為左右屯衛。所領兵為羽林。唐

貞觀十二年。於玄武門置左右屯營。以諸衛將軍領

之。其兵名曰飛騎。又於飛騎中。簡材力驍捷善戰者。

號為百騎。扈從遊幸。則衣五色袍。乘六閑馬。賜猛獸

衣。韉龍領。二年。改左右屯營為左右羽林軍。武太后

臨朝。永昌元年。改百騎為千騎。天授中。改軍為衛。中

宗景龍元年。改千騎為萬騎。大將軍一人。大定元年

衛各增置將軍各三人。以副之。左右羽林

唐屬並置

左右龍武軍

唐之初。有楚兵。號為百騎。屬羽林。永昌元年。改羽林

百騎為千騎。景龍元年。改千騎為萬騎。仍分為左右

營。開元二十六年。析羽林軍為左右龍武軍。以左右

萬騎營隸焉。官屬並唐置。至德中。分置左右神武軍。各置官屬。如羽林之制。

左右神策軍

唐上元中。以北衙軍使衛伯玉為神策軍節度使。鎮陝州。中使魚朝恩為觀軍容使。監其軍。初哥舒翰破吐蕃臨洮西之磨環川。即其地置神策軍。以成如璆為軍使。及安祿山反。如璆以伯玉將兵千人赴難。伯玉與朝恩皆屯于陝。時邊土陷蹙。神策故地淪沒。即詔伯玉所部兵號神策軍。以伯玉為節度使。與陝州節度使郭英義皆鎮陝。其後伯玉罷。以英義兼神策

軍節度。英義入為僕射。軍遂統於觀軍容使。廣德元

年代宗避吐蕃幸陝。朝恩舉在陝兵與神策軍迎扈

悉號神策軍。天子幸其營。京師平。朝恩遂以軍歸禁

中。自將之。然尚未與北軍齒也。南衙諸衛兵永泰元

年。吐蕃復入寇。朝恩又以神策軍屯苑中。自是寢盛

分為左右廂。勢居北軍右。遂為天子禁軍。非他司比

朝恩領之。又請以京兆之好畤。鳳翔之麟游。普潤。皆

隸神策軍。明年又以興平武功天興隸之。及朝恩罪

誅。以劉希暹代為神策軍使。希暹復得罪。以朝恩舊

校王駕鶴代將。德宗即位。以白志貞代之。及李希烈

反河北盜起。數出禁軍征伐。神策之士多鬪死者。下詔募兵。而志貞陰以市人補之。名隸籍而身居市肆。及涇卒潰變。皆戰伏不出。帝遂出奔。及志貞流貶。神策都虞候李晟與其軍之他將。皆自飛狐道西赴難。遂為神策行營節度。屯渭北。軍遂振。貞元二年。改神策左右廂為左右神策軍。特置勾當左右神策軍。以寵宦者。而益置大將軍以下。又令左右神策軍。皆加將軍二員。以待諸道大將有功者。其後京畿之西。多以神策軍鎮之。以竇文場。霍仙鳴為左右神策護軍中尉。又詔左右神策置統軍。以崇親衛。時邊兵衣饑。

多不贍。而神策軍稟賜贏三倍。繇是諸將多請遙隸神策軍。往往稱神策行營。皆內統於中人矣。順宗即位。王叔文用事。欲取神策兵柄。以奪宦者權而不克。元和時廢。左右神武左右神威軍。以吳兵騎分隸左右神策軍。及僖宗幸蜀。田令孜募神策新軍為五十四都。離為十軍。令孜自為左右神策十軍。兼十二衛觀軍容使。肅宗以後營衛惟羽林龍武神武神策以神威最盛皆隸北軍亦名左右十軍以左右神策大將軍。為左右神策諸都指揮使。諸都又領以都將。亦曰都頭。景福二年。昭宗以藩臣跋扈。天子孤弱。議以宗室典禁兵。及伐李茂貞。乃用嗣覃王

允為京西招討使。神策諸軍五十四軍悉隸之。屯興平。已而兵自潰。茂貞逼京師。又與王行瑜韓建連兵犯闕。天子為之斬中尉。殺宰相乃去。後又詔諸王閱親軍。收拾神策亡散得數萬。置殿後四軍。嗣覃王允與嗣延王戒丕將之。茂貞再犯京師。覃王戰敗。昭宗幸華州。明年韓建畏諸王有兵。請皆歸十六宅。於是四軍二萬餘人皆罷。又請誅都頭李筠。遂殺十一王。及還長安。左右神策軍稍復置之。以六十人為定。是歲左右神策中尉劉季述等廢帝幽之。季述等誅。而昭宗召朱全忠兵入誅宦官。宦官覺劫天子幸鳳翔。全忠圍之。歲餘。天子乃誅中尉韓全誨等以解梁兵。乃還長安。於是悉誅宦官。而神策左右軍繇此廢矣。諸司悉歸尚書省。郎官兩軍兵皆隸六軍。而以崔胤判六軍十二衛事。六軍者。左右龍武。神武。羽林。其名存而已。自是軍司以宰相領。

按通典叙唐十六衛建置官將之事詳矣。而左右神策軍獨闕焉。蓋杜公所言多至德天寶以前事。而神策雖萌芽於肅代之時。實磐固於德宗幸奉天之後。其初也。則劫制天子。專擅策立。而其末也。則外召賊臣。覆亡宗社。

蓋唐自中葉以後強藩擅兵禁衛寡弱而其
僅存者復為神策所併視同中人之私屬至
昭宗之時外不足以定寇而內徒以脅君逮
中人誅神策廢而唐遂亡矣新史職官志亦
以神策大將軍叙於諸衛之後但不言其興
廢之本末故撫史傳所言以補之

殿前司

都指揮使副都指揮使都虞候使副都虞候掌殿前
諸班直及步騎諸指揮之名籍及訓練之政宋初有
都點檢副都點檢之名在都指揮使之上後不復置

入則侍衛殿陛出則扈從乘輿大禮則提點編排整
肅禁衛鹵簿儀仗掌宿衛之事都指揮使以節度為
之而副都指揮使都虞候以刺史以上充資序淺則
主管本司公事馬步軍亦如之備則通治闕則互攝
凡軍事皆行以法而治其獄訟若情不中法則稟奏
聽者騎軍有殿前指揮使內直散負散指揮散都頭
散祗候金鎗班東西班散直鈞容直及捧日以下諸
軍指揮步軍有御龍直骨朶子直弓箭弩直及天武
以下諸軍指揮諸班有都虞候都虞候指揮使諸知
副都知押班御龍諸直有四直都虞候本直各有都

虞候指揮使。副指揮使。都頭。副都頭。十將。將虞候。騎軍。步軍。有捧日。天武。左右四廂。都指揮使。捧日。天武。左右廂。各有都指揮使。每軍有都指揮使。都虞候。每指揮有指揮使。副指揮使。每都有軍使。副兵馬使。十將。將虞候承局押官。各以其職。隸于殿前司。政和四年。詔殿前都指揮使。在節度使之上。副都指揮使。在正任承宣使之上。殿前都虞候。在正任防禦使之上。中興後。都指揮使。副都指揮使。間虛不除。則以主管殿前司一員任其事。其屬有幹辦公事。主管禁衛二員。準備差遣。準備差使。點檢醫藥。飯食各一員。書寫

機宜文字。一員。本司掌諸班直。禁旅扈衛之事。捧日。天武。四廂。隸焉。訓齊其衆。振飭其藝。通輪內宿。併宿衛親兵。並聽節制。其下有統制。統領將佐等。分任其事。凡諸軍班功賞。轉補行門拍試。換官。閱日排連。以詔于上。諸殿侍差使。年滿出職。抵應參班。核其名籍。以時教閱。則謹鞍馬軍器衣甲之出入。軍兵有獄訟。則以法鞫治。初渡江。草創三衙之制。未備。稍稍招集。填置。三帥資淺者。各有主管某司公事之稱。又別置御營司。擢王淵為都統制。其後外州駐劄。又有御前諸軍都統制之名。又併入神武軍。以舊統制統領。改

充殿前統制統領官

石林葉氏曰。殿前司與侍衛司馬軍步軍為三衙。其實兩司。而侍衛司都指揮使外。又置馬步軍都指揮使耳。殿前司亦參馬步軍。而總於都指揮使。故殿前司都指揮。副都虞候。侍衛親軍都指揮使。副都虞候。與馬軍步軍都指揮使。副使。虞候。兩司三衛合十二員。分天下兵而領之。此祖宗制兵之大要也。始唐制有十二衛兵。後又有六軍十二衛兵為南衙。漢之南軍也。六軍為北衙。漢之北軍也。末年常以大臣一人總之。

如崔胤判六軍十二衛是也。都指揮使本方鎮軍校之名。自梁起宣武軍。乃以其鎮兵。因仍舊號。置在京馬步軍都指揮使。而自將之。蓋於唐六軍諸衛之外。別為私兵。至後唐明宗。遂改為侍衛親軍。以康義誠為馬步軍都指揮使。秦王從榮以河南尹為大元帥。典六軍。此侍衛司所從始也。及從榮以六軍反入宮。義誠顧望不出兵。而侍衛馬軍都指揮使朱弘實擊之。其後遂不廢。殿前軍起於周世宗。是時太祖為殿前司都虞候。初詔天下選募壯士送京師。命太祖擇

其武藝精高者為殿前諸班。而置都檢點。位都指揮使。上太祖實由此受禪。見於國史。歐陽文忠公為五代史。彌精詳。乃云不知所始。蓋考之未詳也。自有兩司。六軍諸衛漸廢。今但有其名。則兩司不獨為親軍而已。天下之兵柄皆在焉。其權雖重。而軍政號令。則在樞密院。與漢周之間。史弘肇之徒為之者異矣。此祖宗之微意。非前世所可及也。熙寧九年殿前都指揮郝質言軍器監與判監劉奉世會議軍器上批殿前馬步三帥朝廷待遇禮繼二府事體至重寺監小官豈可呼召自令止令移文

議定

沈氏筆談曰。三衙內中見宰執。皆橫杖于文德殿後。主廊階下唱喏。宰相出立階揖之。外遇從官於通衢。皆避焉。此禮久廢。惟內中橫杖之禮。至今不廢。

歐陽氏歸田錄曰。寶元康定子自貶所還京。見王君貺初作舍人在坐。見殿前馬步軍聯騎立門外。呈榜稱不敢求見。舍人遣人謝之而去。慶曆三年。余作舍人。三衙軍相逢而斂馬駐立前呵者傳聲太尉立馬。急遣人謝之。比舍人馬過。然後敢行。後余官于外十年而還。遂入翰林。與

學士相逢分道而過。更無歛避之禮。蓋曰制漸輕。三衙漸重。

洪邁論三衙軍制劄子。臣仰惟陛下天資神武。留意治軍。將士感恩用命。非復前比。然臣區區管見。獨以謂猶有可議者。軍制不立。名位不正。是也。請以祖宗之制。大畧論之。三衙軍職之大者。凡八等。除都指揮使。或不常置外。曰殿前副都指揮使。馬軍副都指揮使。步軍副都指揮使。曰殿前都虞候。馬軍都虞候。步軍都虞候。曰捧日天武四廂都指揮使。龍神衛四廊都指揮使。

秩秩有序。若登梯然。不可一級輒廢。一或有關。即以功次遞遷。降此而下。則分營分廂。各置都副指揮使。如捧日左廂第一軍都指揮使。天武右廂第二軍都指揮使之類。邊境有事。命將討捕。則旋立總管鈐轄都監之名。使各將其所部以出。事已則復初。二百年之間。累聖相承。皆用此術以制軍。詰禁自南渡以後。觸事草創。於是三帥之資淺者。始有主管某司公事之稱。而都虞候以下。不復設置。乃以天子宿衛虎士。而與在外諸軍同其名號。以統制統領為之長。又使

遙帶外路總管鈐轄之名考之舊制則非法稽
之事體則非是以陛下聖明能知人善任使所
謂爪牙之士豈無數十人以待用者若法祖宗
之制正三衙之名改諸軍為諸廂改統制以下
為都虞候指揮使使宿衛之職預有差等士卒
之心明有所係異時拜將必無一軍皆驚之舉
於以銷壓未萌循名責實則環衛將軍雖不置
可也如蒙聖慈或以為然乞下樞密討論故實
圖議其當恐或可以少贊陛下布昭聖武之意
茲事體大願陛下深念之

侍衛馬軍司

馬軍都指揮使一人以節度使充副都指揮使都虞
候皆無定員副都指揮使以觀察使以上充都虞候
以防禦使以上充掌騎兵之名籍及訓練之政令所
領馬軍自龍衛而下有左右四廂都指揮使龍衛左
右廂各有都指揮使每軍有都指揮使都虞候每指
揮有指揮使副指揮使每都有軍使副兵馬使十將
將虞候承局押官各以其職隸于馬軍司中興後常
出戍建康所設官屬如殿前司

侍衛步軍司

掌步軍之政令。凡出入扈衛守宿以奉上開收閱習轉補以勵下。所設官置屬及所領步軍。自神衛而下左右四廂。如馬軍司。

知閣門事

即古者擯相之職也。周禮大行人掌九儀及賓客之位。漢有通事舍人。宋朝橫班。有內客省使。崇政殿受階侍立。掌四方進奉及四夷朝貢。牧伯朝覲酒饌。餼宰相近。臣禁衛將校節儀諸州進奉賜物回詔之。事引進使。四方館使。唐省石晉始有通事舍人判隸中。館者皇朝初以檢校官判館。淳熙四年改置使名。掌文武官正謝辭。國忌賜香。諸道月旦正至章表郊祀。致蕃官貢舉人進奉使京官。東上閣門使。西上閣門

使。凡取稟旨命。供奉乘輿。朝會游宴及贊導三公。群

以下但通班。其供職於內者。多用國戚世族。號為華

要。禮均侍從。政和官制。橫班使副之名。既改為大夫

而其職任。則命內外官知馬。其後所除總名知閣門

事。仍兼客省四方館之職焉。靖康元年詔閣門並立

負額。監察御史。胡舜陟。奏閣門之職。祖宗所重。宣贊

班祇候。七十六人。當時議者。猶以為多。今舍人十三。負祇候。看

侍之恩。俸以時財。朱勗。父子交賣。尤多。富商豪子。往往

非昭選。以恩澤授。不許神宗即位。之。初用官邸直省。官

在文臣財乞。賜裁省。故有是詔。可紹興元年。上以宋

錢孫藩邸舊人。稍習儀注。命轉行橫行一官。主管閣門。紹興五年。詔右武大夫以上。並稱知閣門事。兼客省四方館事。以除授為序。稱同知者。在知閣門之下。

同知閣門事

宋朝東西上閣門副使。雖無定員。然選任不及踈遠。而所置常少於正使之數。政和官制。以左武右武郎。易二閣副使。而閣門事。乃命橫行知馬。則同知之職。乃昔時所謂副使也。

閣門宣贊舍人

閣門祇候

故事。閣門無通事舍人。而通事舍人沿唐制。自隸中

書省。如抽赴閣門。並稱閣門祇候。其後直授閣門通事舍人。非舊制也。天禧中。去閣門二字。政和六年。改為宣贊舍人。又舊以閣門通事舍人。閣門祇候二等。謂之閣職。蓋武臣之清選也。閣門通事舍人。閣門祇候。進取之基。非熟於朝儀。不在此選。又有看班祇候。以命世家。新進及擢閣門點檢使。臣為之。而點檢官。乃知班使之長者。二年無過。遂改看班。政和間。改通事作宣贊。且不復選人。才而濫數。不知其數。人不以為貴。舊止三五員。天禧初。上與輔臣語。及減吏員。尚數也。貴。舊止三五員。中曰。太祖太宗朝。閣門祇候。不過三五員。宣導讚。謂而已。今喻數百。而除授未已。上曰。此蓋相承為例。當漸省之。

熙寧四年。閣

門請擇武臣子弟六人。前後殿日祇應。以閣中看班祇候為名。候五年熟識儀數。乃除閣門祇候。紹興中。

許令供職注授。內外合入差遣闕到。然後免供職。其後供職舍人負數稍冗。裁定以四十負為額。乾道六年。上欲清閣門之選。除宣贊舍人。閣門祇候。仍舊通掌贊引之職。外置閣門舍人十負。以待武舉之入官者。掌諸殿覺察失儀。兼侍立。駕出行幸。亦如之。六參常朝。後殿引親王起居。做儒人館閣之制。召試中書省。然後命之。又許轉對。如職事官供職滿二年。與邊郡。淳熙間。置看班祇候。令忠訓郎以下。充秉義郎以上。始除閣門祇候。又增重薦舉閣門祇候之制。必廉幹有方畧。善弓馬。兩任親民。無遺闕。及曾歷邊任者。充紹熙以來。立定負額。慶元初。申嚴閣門長官選擇。其屬之令。非右科前名之士。不與召試。閣門為右列清選之職。蓋先後維持之力云。

幹辦皇城司

周虎賁氏舍則守王閑。王在國則守王宮。漢北軍。即今之皇城司也。漢置羽林郎材官。取三輔良家之子。自給鞍馬。唐謂之北衙。左右羽林軍。大將軍各一人。正三品。將軍各三人。從三品。掌統北衙禁兵。督攝左右廂飛騎儀仗。大朝會。則周衛階陛。巡幸則夾馳道。為內仗。凡飛騎南上者。配其職。有勅上南衙者。大將

軍承墨勅白移於金吾引駕仗官與監門奏覆降墨然後乃得入。宋朝因之。舊號武德司。太平興國詔改今名。政和官制改皇城使為武功大夫而其職任則選內外通領焉。皇城司以入內兩都知者惟宿直諸班禁衛畧無統攝而皇城司親從官數千人乃命武臣二員同兩都知主之而殿前復不預此祖宗處軍政深意也紹興中詔行宮禁衛所改為行在皇城司。三年詔皇城司係專掌禁庭出入依祖宗法不隸臺察

御前忠佐軍頭引見司

宋初但曰軍頭引見司。端拱元年改軍頭司為御前忠佐軍頭司。引見司為御前忠佐引見司。軍頭司掌

崇班供奉及諸州駐泊捕捉之事。引見司掌軍頭名籍諸軍搜閱引見之事。中興以來提點官幹辦官並以閣門官充。紹興三十二年詔知閣門官兼則稱提點宣贊舍人。閣門祇候兼則稱幹辦。乾道三年詔提點幹辦共以四員為額

帶御器械

宋初嘗選三班以上武幹親信者佩橐鞬御劍。或以內臣為之初是職止名御帶。咸平元年改為御帶器械。景祐二年詔自今無得過六人。慶曆元年詔遇闕負以歷邊任有功者補之。舊制外任帶御器械過闕朝見不宿衛熙寧六年向

寶移真定府路總管
過京師特命宿直
中興初諸將在外者多帶職蓋

假禁近之名為軍旅之重紹興七年樞密院言帶御

置此官所以衛不虞也今乃佩數隻散箭不知何用

方承平時至銜以珠玕車駕每出為觀美而已他日

事當盡去二十九年詔中外舉薦武臣無闕可處增

置帶御器械四員然近侍亦或得之乾道以來詔帶

御器械立班在樞密院檢詳文字之上淳熙間凡正

除軍中差遣或外任者不許銜內帶行又須供職一

年方與解帶恩例於是屬鞬之職益加重矣

按唐承前代置十六衛皆所以命武臣掌禁

旅也宋興以來環衛官特以處宗親無限員

無職事而禁旅則仍五代之制屬之三衛有

都副指揮虞候為之長其次則有閣門御帶

其所職亦皆唐十六衛之任然三衛則專掌

兵以大將主之而御帶閣門則或以處戚畹

內臣不專為將帥之任而其職掌皆在京師

故俱次序其事於十六衛將軍之後

文獻通考卷之五十八

文獻通考卷五十九

鄱陽 馬端臨 貴與 著

職官考

大將軍 併官屬

大將軍。戰國時官也。楚懷王與秦戰，秦敗楚，虜其大

將軍屈平是也。漢高帝以韓信為大將軍。初拜信蕭

慢無禮。今拜大將如兒戲耳。乃擇良日齋戒設壇以

武帝又置。初武帝以衛青數征伐有功，以為大將軍。

欲尊寵之，故置大司馬官，躡以冠之。衛青字仲卿，為

立功引兵至塞，天子使使者持大將軍印，因軍中拜

加青大司馬位冠於後霍光王鳳等皆然成帝綏和

二年賜大司馬印綬罷將軍官後漢光武時吳漢以

大將軍為大司馬後漢大將軍自為一官不加於其上和帝時以

竇憲為之舊大將軍位在三公官下置官屬依太尉

憲威權振朝廷公卿希旨奏憲位次太傅下三公上

長史司馬秩中二千石從事中郎二人六百石自下

各有增憲初為此官威振天下尚書以下欲拜之伏

制乃止後梁與為之自安帝政理衰缺始以嫡舅耿

珪為大將軍常在京都順帝即位又以皇后父兄弟

相繼為大將軍如三公梁與別傳云元嘉二年又加

者將引增掾屬舍人曰游平賣印自有評不避豪強及

大姓按竇武子自游平為大漢末猶在三公上魏武

將軍印綬所加威得其人魏黃初中又有上大將軍

將軍表紹為太尉紹班魏黃初中又有上大將軍

以曹真為之吳亦以陸遜為上大將軍明帝青龍三年

晉宣帝自大將軍為太尉然則大將軍在三司下矣

其後又在三司上自漢東京大將軍不常署為之者

皆擅朝權至晉景帝為大將軍亦受非常之任後以

叔父孚為太尉奏改大將軍在太尉後位次三司下

後復舊在三司上太康元年瑯琊王佃遷大將軍復

制在三司下佃薨復如舊冠綬佩服與大司馬同宋

唯彭城王義康為之。章綬冠佩。亦與晉同。齊以為贈。梁有之。陳以為贈。後魏北齊為二大與大司馬同。後周建德四年。增置上大將軍。隋並以為武散官。不理事。上大將軍從二品。大將軍正三品。唐貞觀二年。九月。勅六軍先已各置統軍一人。今十六衛宜各置上將軍一人。秩從二品。其左右衛及左金吾衛上將軍。俸料隨軍人馬等。並同六軍統軍。其諸衛上將軍。次於統軍支給。自今已後。內外文武闕官。於文武班中材望相當者。參叙仍符。以後各依故事。於本衛量置衛兵。仍舉故事。置武班朝參。其廊下食。亦宜加給。稍

令優重。漢不見官屬。後漢大將軍。驃騎將軍。車騎將

軍。衛將軍。有長史一人。司馬一人。

實憲為大將軍置長史司馬負吏官

屬位次太

從事中郎二人。掾屬二十九人。令史令御

屬三十一人。又賜官騎四十人。及鼓吹

應卻曰鼓吹十人非常負

其領軍皆有部曲。大將軍營五部。部校尉一人。軍司

馬一人。部下有曲。曲有軍候一人。曲下有佗。佗長一

人。其不置校尉。部但有軍司馬一人。其別營領屬為

別部司馬。其兵多少。各隨時宜。門有門候。魏以司馬

景王為大將軍。置掾十人。別無屬官。其驃騎車騎府

有長史司馬。晉驃騎衛將軍。伏波撫軍都護鎮軍中

領四征四鎮。撫驤。撫軍。上軍。輔國等大將軍。開府者皆為位。從公品秩。俸賜亦與諸公同。加兵者增置司馬一人。從事中郎二人。主簿記室督各一人。官屬並與公同。宋大將軍。車騎。驃騎。衛將軍。諸府皆有長史一人。又各置司馬一人。齊有大將軍為贈官。無僚屬。諸驃騎。車騎。衛鎮軍。中軍。撫軍。四征。四鎮等將軍。凡加大字。位從公。長史司馬諸官屬亦同公。梁因之。諸將軍優者亦然。陳為贈官。無僚屬。後魏大將軍寮屬如三公。北齊亦然。後周大將軍有長史司馬中郎掾屬。諸曹參軍典籤等。負。隋以後無

都督

魏文帝。黃初三年。以大將軍曹真都督中外諸軍。假黃鉞。總統內外諸軍。明帝。太和四年。司馬懿征蜀。加號大都督。高貴卿公。正元二年。司馬昭都督中外諸軍。尋加大都督。晉武帝代吳。以賈充為使節。持假黃鉞。大都督。總統六師。江左以來。都督中外尤重。唯王導等權重者。乃居之。宋氏人臣無居者。惟江夏王義恭得假黃鉞。則專戮。即。將。非人臣常器也。後魏亦有都督。中外諸軍事。後周以來。改都督為總管。校尉。唐分諸道。各置都督府。而都督之名微矣。宋紹興初。呂

順浩以左僕射都督江淮荆浙諸軍事。置司鎮江。既而又命孟庾以參知政事。權同都督。四年。趙鼎自知樞密院。為川陝宣撫處置使。以與吳玠共事為嫌。乃改都督川陝荆襄諸軍事。五年。鼎與張浚並相。遂帶兼都督諸路軍馬入銜。浚之初為都督也。以行府為密院。孟庾時為政府。不平。曰。三年。將罷浚。先廢都督府。三十二年。葉義問始以知樞密院事為督視軍馬。蓋朝議以義問非相臣。故其名下都督一等。蓋不考孟庾。趙鼎故事而失之也。隆興初。張浚再以樞密使都督江淮軍馬。乃命汪徹以參知政事。督視湖北

京西軍馬。浚去位。都督復廢。其秋詔湯思退以左僕射為之。思退逗遛不進。乃命王之望以參知政事為同都督。之望亦丐免。於是遂命楊存中代為都督。非宰相而為都督。自存中始。

元帥

唐制。有天下兵馬元帥。副元帥。掌征伐。兵罷則省。高祖入關。太宗為秦王。加西討元帥。其後中宗為周王。為洮河道元帥。睿宗為相王。為并州道行軍元帥。天寶十五年。安祿山反。以哥舒翰為諸道兵馬元帥。上皇幸蜀。以太子亨充天下兵馬元帥。肅宗即位。以廣

平王倣為天下兵馬元帥。諸將皆屬焉。乾元二年。以趙王係為天下兵馬元帥。李光弼為副元帥。代宗即位。以雍王适為天下兵馬元帥。廣德元年。吐蕃入寇。復以雍王為關內元帥。郭子儀為副元帥。大曆八年。罷天下兵馬元帥。建中四年。以李希烈反。置諸道行營兵馬都元帥。以李晟為鄜坊京畿渭北商華副元帥。照宗天復三年。上議褒崇朱全忠。乃以皇子輝王祚為諸道兵馬元帥。加全忠太尉。充副元帥。後唐長興四年。以秦王從榮為天下兵馬元帥。中書門下奏天下兵馬大元帥公事儀注。臣等謹沿近事。伏見招討使總管兼授副使。已下。繫鞬庭禮。今望令諸道節度使。已下。凡帶兵權者。見元帥。皆下具軍禮。參見。申公狀。其使相者。初相見。亦以軍禮。一度已後。客禮。相見。宋靖康元年。冬。金虜圍京師。康王奉使至磁相間。為士民所遏。不得進。乃拜王為天下兵馬大元帥。陳遘元帥。宗澤。汪伯彥。副元帥。速領兵入衛。

宣撫使

唐元和十四年。淄青兗鄆等十二州平。詔戶部侍郎楊於陵。以本官充淄青等州宣撫使。宋不常置。祖宗時有軍旅大事。則命執政大臣為之。累朝但除向敏中。鄜延范仲淹。陝西路富弼。河北文彥博。河陝西韓絳。河東五人。今者向范二公。但為經畧安撫。使富文韓三公。始為宣撫使。仁宗征儂智高。以

狄青為宣撫使。武臣為宣撫自此始。神宗命郭逵討交趾。逵前執政。然但以招討使為名。惜之也。靖康初。李綱以尚書右丞出為兩河宣撫。繼而又以种師道代之。建炎三年。張浚以知樞密院為川陝宣撫。處置使宰執為宣撫。行移六曹等監帥司用劄子而六曹於宣司用申狀。從官任使副合申六部六部行移用公牒。故事。大臣為宣撫使。於三省樞密院皆用申狀。若建都督府。則只用關隆興初。張魏公以少傅為江准宣撫使。頭之拜樞密使。鄧督江淮軍馬。及符離師潰。公上表待罪。乃降特進復為宣撫使。既而言者謂降官示罰。自古所有。雖出浚自請。然其後孟庾趙鼎虞允文。王炎輩皆自二府出為之。若前宰相為宣撫者。則自渡江以後止。除李綱呂頤浩朱勝非三人。

紹興元年。劉光世以使相宣撫淮南。武臣非執政而為宣撫自此始。二年。李光以端明殿學士為壽春等州宣撫使。文臣非執政而為宣撫自此始。然自紹興至嘉泰。武臣止。劉光世。韓世忠。張俊。吳玠。岳飛。吳玠。六人從官止。李光。王似。二人。蓋重之也。紹興末。詔以楊存中為江淮宣撫使。劉珙不書黃。遂寢其命。又詔虞允文以兵部尚書為湖北京西宣撫副使。會存中命格。於是復改川陝宣諭使。而存中措置兩淮焉。

按兩漢以來。大將軍之官。內秉國政。外則仗鉞專征。其權任出宰相之右。隋唐以後。則無

其官。然唐有都副元帥。宋有都督宣撫。皆以
為將相重臣。總師征討者之官。蓋都督元帥
宣撫。即兩漢大將軍之任也。故各叙其事於
大將軍之後。又都督之名。始於魏晉之間。謂
之假黃鉞都督中外軍事。其權任甚重。至唐
則每道有都督府。特以為州牧之職而已。宋
中興後。所命都督。始復魏晉之舊。故唐之都
督。別自為門。在州牧刺史之後。而此所叙者
不及之云。

車騎將軍

漢文帝元年。始用薄昭為車騎將軍。灌嬰周亞夫金

後漢章帝即位。西羌反。以舅馬防行車騎將軍征之。

銀印青綬。在卿上。絕席還復罷。和帝即位。以舅竇憲

為車騎將軍征匈奴。始賜金紫。次司空。安帝即位。西

羌寇亂。以舅鄧騭為車騎將軍征之。數年復罷。又皇

等並為之。其官屬靈帝數以車騎拜嬖臣及贈亡人。

附見大將軍後應邵曰。美號加於頑凶。印綬汗於腐屍。虧國家之舊

傷虜武之重。昔年有觀被髮之祥。知其為戎。今假號亦宜乎。魏車騎為都督。儀與四征同。若不為都督。雖

持節屬四征者。與前後左右雜號將軍同。其或散還

從文官之例。則位次三司。晉宋車騎衛。不復為四征

所督。晉羊祜為車騎將軍開門如三司之儀

後魏制與驃騎同。位次升降並同

隋車騎屬驃騎府。唐省之。

衛將軍

漢文帝始用宋昌為衛將軍。位亞三司。其官屬附見大將軍。後凡驃騎車騎衛三將軍。皆金印紫綬。武冠絳朝服。佩水蒼玉。晉以陸燁為衛將軍。兼儀同三司。加千兵百騎。東晉已後。尤為要重。後魏初加大。則次儀同三司。孝文太和中制加大。則位在太子太師上。歷代多有。唐無之。

前後左右將軍

前後左右將軍。皆周末官。秦因之。位上卿。金印紫綬。

漢不常置。或有前後。或有左右。皆掌兵及四夷。李廣為前

將軍趙克國為後將軍辛慶忌工商為左將軍馮奉世為右將軍光武建武七年。省

魏以來。復置。晉武初。又置左軍右軍前軍。太始八年。

又置後軍。是為四軍。齊亦號左右前後四軍。陳並有

之。北齊左右將軍。領千牛備身。唐無

四征將軍。四征將軍。皆漢魏以來置。加大者始曰。

方面征東將軍。漢獻帝初平三年以馬騰為之。或云以張遼為征西將軍。漢光

武建武中以馮異為大將軍征南將軍。漢光武建武一年置以馮異為之。亦以岑彭為大將

軍。征北將軍。魏明太和中置劉靖各一人。魏黃初中。

位次三公。後魏加大。則次衛將軍。唐無。

四鎮將軍。鎮東將軍。後漢末魏武帝為之。鎮南將軍。後漢末劉表為之。

魏張魯晉當陽鎮西將軍。後漢劉表為之。魏杜原凱並為之。鎮北將軍。魏明帝太和置。劉靖許允並為之。

宋時四鎮與中軍為雜記。後魏加大。次尚書令。唐無。

四安將軍。安東將軍。後漢陶謙曹休並為之。安西將軍。晉以鑒為之。各一人。後魏亦

有。唐無。安南將軍。光武陽王廞亦為之。晉范

平東將軍。晉當陽侯杜元欽羊祐胡平西將軍。晉以王濬等為之。平北將軍。漢獻以阮坦亦為之。

平南將軍。晉盧各一人。並漢魏間置。後魏亦有。唐無。

雜號將軍。上。漢以呂祿騎。漢武帝以公孫敖及樓船。漢元封三

為橫海。漢元鼎六年以韓說材官。漢李息為之。貳師。漢李廣利為之。征貳師有功。說材官。漢李息為之。伏波。漢武

漢取善馬故以為號。輕車。漢武帝以公伏波。漢武

南越始置北。以馬路博德為之。後漢馬援亦中軍。漢

帝以公孫強弩。漢武帝以戈船。環氏要畧。云建以討

北奮威。漢武帝以任度遼。漢武帝初以范明友為平

年又置屯五原。銀印青綬。種暉字伯景。為度遼將軍

誠心懷撫。信賞分明。乃去烽燧。斥候邊方。晏然及卒

匈奴舉國。傷惜單于。母入朝。賀每見墳輒積射。漢有

哭泣祭祀。又李膺為度遼將軍。聲振遠域。積射。漢有

文獻通考卷五十九

十

晉

晉

武帝太始四年省太康十五年立建威安國王以韓
射營弩營置積射強弩將軍主之九武人背以征虜
為之光武以九武王莽拜將軍九武將軍征虜
耿奔為止武牙武為九武將軍征虜建中
中始以祭遵為武牙蓋延為武以橫野漢光武以王
後張飛亦為之武牙蓋延為武以橫野漢光武以王
將軍位與捕虜後漢永平中鷹揚武以橫野常為橫野大
諸將絕席捕虜馬武為之鷹揚武以橫野常為橫野大
逆孫策為之破虜孫堅為之討虜孫權為之安漢
竺將軍之班在軍武威魏武帝以撫軍魏武帝置司
師將軍之班在軍武威魏武帝以撫軍魏武帝置司
凌江後漢置寧朔魏橫江魯肅為之又曰
界屯龍驤晉武帝始以殿中宋初黑稍後魏于
據陸口龍驤王濬為之殿中宋初黑稍後魏于
稍以自衛劉裕遙見題書與之曰牙門將冠服與將
黑稍公麾下明帝因投黑稍將軍牙門將軍同魏文
帝黃初中置明帝以胡烈為之又王隱晉書云陸機
少襲父為牙門吳重武官故也晉惠帝特置四部牙

門以汝南
王祐為之

監軍 軍師祭酒理
曹掾屬附

齊景公使穰苴將兵捍燕晉之師。穰苴願得君之寵
臣以監軍。公使莊賈往。賈不時至。苴斬之。是其始也。

漢武帝置監軍使者。光武來歙監諸將。後漢末劉鄩

以監軍使者領益州牧。劉章亦為魏晉皆有之。魏時

文王征壽春石苞為監軍鍾會伐蜀衛初隗囂軍中。
權為監軍晉孟持節監軍石苞諸軍事初隗囂軍中。

嘗置軍師。魏囂聘平陵人方望以為軍師。至魏武帝又

置師官四人。魏荀攸為東師軍國選賜及刑獄法制

右軍師蜀以諸葛亮為軍師將軍。晉避景帝諱改為軍司。凡諸軍使

置之以為常負。所以節量諸軍。亦監軍之職也。而太尉軍司尤重。故山公啓事曰。太尉軍司缺。當選上宰監。宜得宿有資重者也。宋齊以來。此官頗廢。至梁大通四年。元法僧北討。復以羊侃為大軍司。後代多不置。至隋末。或以御史監軍事。唐亦然。時有其職。非常官也。開元二十年後。並以中官為之。謂之監軍使。至德間。九節度圍賊相州。以魚朝恩為觀軍容宣慰處置使。觀軍容使。自朝恩始。是後宦者多稱軍容節度使。皆置監軍。至昭宗天復二年。誅宦官。其為監軍者。詔方鎮誅之。宦官盡死。惟河東監軍張承業。幽州監軍張居翰。清海監軍程匡柔。西川監軍魚全禋。及致仕嚴遵美。為李克用。劉仁恭。楊行密。王建所匿。得全斬他囚。以應詔。後唐莊宗既取蜀。以孟知祥為西川節度使。明帝既立。安重誨以知祥為西川節度使。明帝既立。安重誨以知祥為西川節度使。明帝既立。安重誨以知祥為西川節度使。險要擁強兵。恐久而難制。客省使李嚴自請為西川監軍。必能制知祥。詔從之。嚴既至。知祥謂之曰。公前奉使。王行歸而請兵伐蜀。莊宗用公言。遂至兩國俱亡。今公復來蜀。人懼矣。且天下皆廢監軍。公獨來監吾軍。何也。嚴惶恐求哀。知祥曰。軍師祭酒。後漢建安還許。初理曹掾屬。典獄者或非其人。而任以三軍中置此官。理曹掾屬。典獄者或非其人。而任以三軍中選。生明達法理者為之。

三署郎官叙

漢中郎將。分掌三署郎。有議郎。中郎。

皆比六百石

侍郎。

比四百石

百郎中。比三凡四等。皆秦官無負多。至千人。靈帝時

吏二千皆掌門戶。出充車騎。其散郎謂故卿校尉。牧

守。待價於此。公車特徵賢良。方正。敦樸。有道高節。公

府掾曹試博士者。亦充茲位。其下第白衣試博士者。

皆拜郎中。中郎。有五官左右三將。謂五官中郎將郎中

有車戶騎三將。如淳曰主車曰車郎主戶曰戶郎

主左右車郎左右戶郎凡郎官皆主更直執戟宿衛諸

殿門。唯議郎不在直中。漢儀曰三署郎見光祿勳執

公執板不拜於三郎官故事。令出錢市財用給文書。乃

得出。時號曰山郎。謂以貲財為郎也山或至歲不得

休沐。其豪富郎日出遊戲。或行錢得善部。貨賂流行。

轉相放效。楊惲字子為中郎。將罷山郎。其疾病休沐。

皆以法令有過。奏免薦舉。其高第有行能者。多至郡

守九卿。三署化之。莫不自勵。宮殿之內。翕然同聲。其

後遂以為常。後漢和帝永元元年初令郎官凡三署

郎官。二漢並屬光祿勳。光祿選三署郎。有行應四科

者。歲舉茂材二人。四行二人。後漢范滂字孟博舉孝

荒盜賊群起乃以滂為清詔使州境守令有賦汗者

望風解印綬而去其所上廉吏六人。為長理劇。隨缺

多少。萬戶以上為劇縣。其缺者不選。公府亦然。故明

帝時館陶公主為子求郎。帝不許。賜錢十萬曰。夫郎

官上應列宿。出宰百里。有非其人。人受其殃。後漢靈間三

署見郎七百餘人而郡國計吏多留拜為郎太尉楊

秉上疏諫曰先王建國順天制官太微積星名為郎

位入奉宿衛出牧百姓云云案自近代皆謂郎官上

應列宿出宰百里為尚書郎故事且夫天文有武貴

郎位等星皆在大微帝座之後為翊衛之象則應

揚秉所言三署郎是也而世人謂之尚書郎則誤矣

徵其失也蓋自梁陶藻職官要錄以漢三署

郎故事通為尚書郎循名失實疑誤後代

舊有郎

中將右騎光武中興悉省郎韓信主父偃並為郎中

後漢明帝性褊察嘗以事怒郎樂崧崧走入床下上

將杖撞崧崧曰天子穆穆諸侯皇皇未聞人君自起

撞郎上乃捨之又班固二代仕不遇郎又陳蕃諫靈

帝公主為子求郎賜錢千萬今陛下除拜郎吏無有

休已以一郎晉議郎遷為太守山公啓事曰議郎許

比一把菜耳

選亦有郎中等官。其後雖有中郎將等官。而無三署

郎矣。

中郎將五官中郎將左右中郎將

五官左右中郎將。秦官。漢因之。並領三署郎。從後漢

之制。郡國與孝廉以補之。三署郎年五十以上。屬五

官。後漢黃琬字子琰為五官中郎將時陳蕃為光祿

官。勲深相敬符每與議事舊制光祿舉三署郎以功

高久次才德尤異者為茂才四行時權富子弟多以

人事得舉而貧約守志者見遺京師謠曰欲得不能

光祿茂才於是蕃琬同心中顯傷也其次分屬左右署

左右郎將。各領左右署郎。二署皆有中郎侍郎郎中

三郎。並屬光祿勲。魏無三署郎。猶置左右中郎將。晉

武帝省左右中郎將官。宋孝武大明中復置銀章青綬。武冠絳朝服佩水蒼玉。齊左右中郎將屬西省。梁代並分司丹禁。今中郎將四十四員。郎將六十四員。各附諸軍諸衛篇。唐亦置諸衛中郎將。永徽三年八月。避太子名。改中郎將為旅賁郎將。又改為翊軍郎將。尋復舊。

虎賁中郎將

周官有虎賁氏。掌領虎士八百人。軍旅會同君宿於外。則守玉閑。閑控桓行馬也。控音陞。桓音護。漢武帝建元三年。初置期門比郎中。蓋以微行出遊。選材力之士。執兵從送期

之諸門。故名期門。無負多。至千人。平帝元始元年。更

名虎賁郎。舊曰虎賁言如虎之奔。置中郎將領之。故有虎賁中

郎將。主虎賁宿衛。冠插兩鶡尾。鶡鷄之中果勁者有攫撮應瓜摧碎尾上

黨所貢也。紗縠單衣。虎文錦袴。餘郎亦然。凡有虎賁中郎

虎賁侍郎。虎賁郎中。節從虎賁。皆父死子繼。若死王

事亦如之。前賢亦多為者。唐無

四中郎將

東中郎將。後漢靈帝以董卓為之。南中郎將。後漢獻帝以臨西

中郎將。晉以謝曼相冲為之。北中郎將。後漢以盧植為之。建安

並後漢置江左。彌重。或領刺史。或持節為之。銀印青

綬服同將軍。後魏靈太后時。四中郎將兵數寡獨不
足以襟帶京師。任城王澄奏宜以東中帶滎陽郡。南
中帶魯陽郡。西中帶恒農郡。北中帶河南郡。選二品
三品親賢兼稱者居之。配以強兵。則深根固本之計
也。靈太后初從之後復止唐至德後節度都團練使殆其遺職

雜中郎將

使匈奴中郎將。後漢主護南單于以張奐為之後魏天興四年罷平越中郎

將。晉武置理廣州主護南越司金中郎將。趙王循為之武衛中郎將。魏始

以許楮為之唐無

折衝府

果毅別將等附

隋初左右衛左右武衛左右武侯各領軍鄉坊團以

統戎卒。開皇中置驃騎將軍府每府置驃騎車騎二

將軍。大業三年改驃騎府為鷹揚府。改驃騎將軍為

鷹揚郎將。改車騎將軍為鷹揚副郎將。五年又以鷹揚副郎將為

鷹擊郎將九年別置折衝果毅及武勇雄武等郎將官。以

統領驍果。唐武德初猶有驃騎府及驃騎車騎將軍

之制。武德七年乃改驃騎為統軍。車騎為別將。貞觀

十年復採隋折衝果毅郎將之名。改統軍為折衝都

尉。別將為果毅都尉。魏有折衝將軍後周有成其府

多因其地各自為名。無鷹揚之號。凡五百七十四府

分置於諸州。而名隸諸衛。及東宮率府。各領兵滿一

千二百人為上府。兩京城內雖不滿千人為中府。兩

及岐同華懷陝寺五州所管八百人為下府。每府置

折衝都尉一人。掌領校尉以下宿衛及左右果毅都

尉各一人。果致果謂之毅。煬帝昭果毅。又曰殺敵為

之別將一人。別將既改為果毅。而府中有長史。負聖

曆三年廢長史。置別將。長史一人。通判載初兵曹一

人。判府事。付事勾筆。校尉六人。尉以下小吏各有差。若校

允府在赤縣為赤府。行畿縣為畿府。衛士以三百人

為團團有校尉五十人為隊。隊有正十人為火。火有

備六馱馬驢。初置八馱。後改為六。米糧介冑戎器鍋幕貯之。府

庫以備武事。每歲十一月以衛士帳上于兵部。以候

徵發。天下衛士向六十萬人。初置以成丁。而免征徭。六十

漸逃散。年月漸久。死者不補。天寶八載五月。停折衝府。以無兵。十

一年八月。改諸衛士為武士。

三都尉奉車 騎 奉朝請

奉車駙馬騎三都尉。並漢武帝元鼎二年。初置。李陵

都尉至更始時。官亂。舊無負。或以冠常侍。或卿尹校

尉左遷為之。奉車掌銜乘輿車。漢官曰駙馬掌駙馬。

駙馬非正駕車。皆副副。騎都尉本監羽林騎。漢官又

竇嬰為朝請竇太后除嬰門籍不得入朝請漢後漢

並屬光祿勳奉朝請無負本不為官漢東京罷省三

公外戚皇室諸侯多奉朝請奉朝請者奉朝會請召

而已晉武帝亦以皇室外戚為三都尉而奉朝請焉

元帝為晉王以參軍為奉車都尉掾屬為附馬都尉

行參軍舍人為騎都尉皆奉朝請後罷奉車騎二都

尉奉朝請而已諸尚公主者若劉惔栢温等皆為之

宋武帝永初已來以朝請選雜其尚主者唯拜駙馬

都尉齊奉朝請駙馬都尉及散騎給事中等官並集

書省職朝散用衣冠之餘人數猥積武帝永明中奉

朝請至六百餘人齊職儀曰凡尚公梁三都尉並無

負秩其奉車駙馬皆武官絳朝服銀章青綬梁陳駙

馬皆尚公主者為之陳武帝長女永世公主先適陳

受禪唯公主追封將葬尚書主客蝶詳議欲加歲駙

馬都尉并贈品官表樞議曰昔王客姬下降必適諸侯

同姓為主聞於公羊之說以車服不繫著於詩人之篇

漢氏之初列侯尚主自斯以後降嬪素族駙馬都尉

置由漢武或以假諸功臣或以常准蓋明王姬之重庶

駙馬為一魏晉以來因合為常准蓋明王姬之重庶

姓之輕崇不加其等級莫可合而醜所既無禮數

致疑何須駙馬之授案當陽侯杜元凱尚晉宣帝第

公主杜君無復駙馬之號梁元帝二女新安穆公主早

薨天監初王氏無追拜之遠近授令宜追後魏駙

主所生既未及議為衰歲田善反岳音節

贈亭侯時以樞議為衰歲田善反岳音節

馬都尉亦為尚公主官。雖位高卿尹。而此職不去。奉車二十人。騎都尉六十人。北齊駙馬與後魏同。隋開皇三年。罷奉朝請。煬帝時。奉車駙馬並廢。唐駙馬都尉從五品。皆尚主者為之。開元三年八月。勅駙馬都尉從五品階。宜依令式。仍借紫金魚袋。天寶以前。悉以儀容美麗者充選。奉車都尉五員。掌馭副車。不常置。若大備陳設。則以餘官攝行。屬左右衛也。

宋制。騎都尉為勳官。駙馬都尉為尚主之官。奉車無

節度使

唐因隋制。諸州總管加號使。持節後。改大總管為大

都督。永徽已後。除都督帶使持節。即是節度使。不帶者。即不是節度使。景雲二年。賀拔延嗣除涼州都督。充河西節使。自此有節度之號。節度使封郡王。則有奏記一人。兼觀察使。又有判官支使。推官巡官衙推各一人。又兼安撫使。則有副使判官各一人。兼度支營田招討經畧使。則有副使判官各一人。支度使復有遣運判官巡官各一人。節度使掌總軍旅。顯誅殺。初授。具帑秣兵仗。請兵部辭見。觀察使亦如之。辭日。賜雙旌雙節。行則建節樹六纛。中官相送。次一驛。輒上聞。入境。州縣築節樓迎。以鼓角衙仗居前。旌幢居

中大將鳴珂。金鉦鼓角居後州縣齎送迎于道左。天寶初置十節度。經畧使以備邊。安西節度撫寧西域。統龜茲焉耆十闐踈勒四鎮。治龜茲城。兵二萬四千。北庭節度防制突騎施堅昆。統瀚海天山伊吾三軍。屯伊西二州之境。治北庭都護府。兵二萬人。河西節度斷隔吐蕃突厥。統赤水大斗建康寧寇玉門墨離豆盧新泉八軍。張掖交城白亭三守捉。屯涼肅瓜沙會五州之境。治涼州。兵七萬三千人。朔方節度捍禦突厥。統經畧豐安定遠三軍。三受降城。安北單于二都護府。屯靈夏豐三州之境。治靈州。兵六

萬四千七百人。河東節度與朔方犄角。以禦突厥。

統天兵大同橫野岢嵐四軍。雲中守捉。屯太原府。忻代嵐三州之境。治太原府。兵五萬五千人。范陽節

度臨制奚契丹。統經畧威武清夷靜塞恒陽北平高陽唐興橫海九軍。屯幽薊媯檀易恒定漠滄九州之

境。治幽州。兵九萬一千四百人。平盧節度鎮撫室

韋鞞。統平盧盧龍二軍。榆關守捉。安東都護府。屯營平。二州之境。治營州。兵三萬七千五百人。隴右節

度備禦吐蕃。統臨洮河源白水安振威武漠門寧塞積石鎮西十軍。綏和合川平夷三守捉。屯鄯廓洮河

之境。治鄯州兵七萬五千人。劔南節度。西抗吐蕃。

南撫蠻獠。統天寶平戎。昆明。寧遠。澄川。南江。六軍。屯

益。翼。茂。當。雋。柘。松。維。恭。雅。黎。姚。悉。十三州之境。治益

州兵三萬九百人。嶺南五府。經畧綏靜夷獠。統經

畧。清。海。二。軍。桂。容。邕。交。四。管。治。廣。州。兵。萬。五。千。四。百

人。此外又有長樂。經畧福州領之。兵千五百人。東萊

守捉。萊州領之。東牟守捉。登州領之。兵各千人。允鎮

兵四十九萬人。馬八萬餘匹。其後有淮南。河南。江東。

成德。鎮宣武。汴宋鎮海。浙西義成。滑州淮寧。淮西彰義。申光

義武。易定奉義。安黃忠武。陳許武寧。徐州永安。并南天平。山東河陽。

淮孟歸義。瓜沙伊肅戎昭。金州義昌。滄景山南。襄鄧俱置

節度使。有以親王遙領者。如開元十五年。以慶王潭

為涼州都督。兼河西節度大使。忠王俊為單于大都

護。朔方節度大使之類。是也。有以宰相遙領者。如兵

部尚書河西節度副大使。知節度事。蕭嵩。除同中書

門下平章事。節度如故。又李林甫遙領隴右節度。楊

國忠遙領劔南節度。是也。蕭嵩以牛仙客為留後。李

崔圓以李察為留後。宋興節度觀察使。事務悉歸於本州。知

州通判兼總之。節度使無定負。恩數與報政同。初除

鎖院降麻。恩禮尤異。祖宗時以待宗室。近屬外戚。國

婿年勞久次者。若外任除殿帥。始授此官。亦止於一
負。或有功勳顯著。任帥守於外。及前宰執拜者。不輕
授。又遵唐制。以節度使兼中書令。或侍中。或中書門
下平章事。皆謂之使相。以待勳賢故老。及宰相久次
罷政者。隨其舊職。或檢校官加節度使。出判大藩。通
謂之使相。元豐以新制。始改為開府儀同三司。舊制
勅出中書門下。故事之大者。使相繫御。至是皆南省
奉行。則開府不預矣。八年。鎮江軍節度使。檢校太傅
韓絳。為開府儀同三司。判大名府。元祐五年。太師平
章軍國重事文彥博。為開府儀同三司。守太師充護

國軍山南西道節度使致仕。自崇寧五年。司空左僕
射蔡京。為開府儀同三司。安遠軍節度使。中太一宮
使。其後故相而除。則有劉正夫。余深。前執政。則有蔡
攸。梁子美。外戚則有向宗。回宗良。鄭紳。錢景臻。殿帥
則有高俅。內侍則有童貫。梁師成。宣和末。節度使至
六十人。議者以為濫。親王皇子二十人。大將四人。宗室十一人。宦者恩澤計七人。中興諸州陞改節鎮。凡十有二。是時諸
將勳名鼎盛。有兼兩鎮三鎮者。實為希闊之典。元朝

拜兩鎮節度使者才三人。韓魏公文潞公。中興後呂
成公是也。三公卒。辭之。而諸大將若韓張吳岳楊劉
之流。率至兩鎮節度使。其後加至三鎮者三人。韓
王鎮南武安寧國張循王靜江寧武靖海劉安城王

護國寧其後相承宰執從官及后妃之族拜者不一。然自建炎至嘉泰宰相特拜者六人。呂忠穆張忠獻

史會稽王以舊趙執政一人。葉右丞從官二人而已。

衛公葛文定以恩張張敦學明澄惟紹興中曹勛韓公裔乾道中曾覲嘉泰

中姜持立譙令雍皆以攀附恩澤亦累官至焉非常

制也。國初外戚罕有建節者太祖時杜審進以元舅

臣力爭之其後除拜浸多中興後外戚節度使二

有二入哲廟以前節度使未有以恩澤除者若王顯

張旻肇雖以舊恩貴然皆以嘗任宥府乃得之崇寧

後始除郭天信朱勳其後童貫楊戩九十餘人中興

後曹勳曾覲肇石林葉氏曰節度使旌節門旗二龍虎旌一節

一。麾槍二。凡八物。旗以紅繒為之。九幅。上為塗

金銅龍頭以揭。旌加木盤。節以金銅葉為之。盤

三層。加紅絲為旌麾槍亦施木盤。豹尾以赤黃

布畫豹文。皆以髹漆為杙。文臣以朱武臣以黑。

旗則綢以紅繒。節及麾槍則綢以碧油。故謂之

碧油紅旆。受賜者藏於公宇私室。皆別為堂。號

節堂。每朔望之次日祭之。號衙日。唐制有六。轟

今無有也。

容齋洪氏隨筆曰。唐節度使帶檢校官。其初只左右散騎常侍。如李愬在唐。鄧時所稱者也。後

乃轉尚書及僕射司空司徒能至此者蓋少。僖昭以降藩鎮盛強武夫得志纔建節鉞其資級已高於是復升太保太傅太尉其上惟有太師故將帥悉稱太尉元豐定官制尚如舊貫崇寧中改三公為太師太傅太保而以太尉為武階之冠以是凡管軍者猶悉稱之紹興間葉夢得自觀文殿學士張澄自端明殿學士拜節度葉嘗任執政以暮年擁旄為儒者之榮自稱葉太尉張微時用鄧洵武給使恩出身羞為武職但稱尚書如故其相反如此

又曰太祖有天下將收藩鎮威柄故漸行改革至於位至侍中中書令使相者其高僅得東宮官次但居環衛鳳翔王晏為太子太師安遠武行德為太子太傅護國郭從義為左金吾上將軍自後不復舉行矣

承宣使

唐中世以後節度使往往自擇將吏號為留後宋

朝沿唐制方鎮有節度觀察使留後又官制舊典祖宗時留後惟宗

室國戚自當叙遷若外官唯馬步軍都指揮使方就除馬軍帶留後步軍帶觀察餘無至者獨內臣任都知久次官至延福宮使景福殿使者方政和七年帶留後觀察皆為遙郡止於防禦使而已

詔觀察留後。乃五季藩鎮官。以所親信。留主後務之稱。不可循用。可冠以軍名。改為承宣使。承宣觀察防禦團練使。刺史無定負。除落階官者。為遙郡。朝謁御宴。惟正任預焉。遙領者並止。本官叙遷正任者。次第轉行。靖康元年。臣僚言。遙郡正任。恩數遼絕。自遙郡遷正任者。合次第轉行。令有自遙郡與落階官而授。正任直超轉。本等正官。是皆奸巧。希進躡取。乞應遙郡承宣使。有功勞。除正任者止。除正任刺史從之。

觀察使

唐正觀初。遣大使十三人。巡省天下諸州。水旱則遣使。有巡察安撫之名。神龍三年。以五品以上二十人。為十道巡察使。察舉州縣。再周而代。景雲三年。置十

道按察使。道各一人。開元二年。曰。十道按察採訪處置使。二十年。曰。採訪處置使。分十五道。天寶末。又兼

黜陟使。乾元元年。改曰。觀察處置使。又事牧紀原。以

觀察使與志不同。當考。掌察所部善惡。舉大綱。凡奏請皆屬於

州。歲以八月考其治。以豐稔為上考。省刑為中考。辯

稅為下考。宋朝沿唐制。置諸州觀察使。凡諸衛將

軍。及使遙領者。其資品並止。本官叙防禦團練使。祥

符中。詔觀察使並帶刺史。翰林學士陳彭年。檢討唐

刺史。詔自今除觀察使。可兼領之。政和中。詔承宣觀察使。仍不帶持

節等

防禦使

唐武后。聖曆元年。以夏州領防禦使之名自此始。開元二年。薛訥為隴右防禦使。天寶中。安祿山犯順。大郡要地當賊衝者。置防禦守捉使。事物紀原又唐職志云至德後置節度使大郡要害之地置防禦使以治軍事刺代宗史蕪之不賜節與紀原不同今兩存之常考即位。諸州防禦使並停。明年。授田承嗣。魏博等州都防禦使。俄遷節度使。蓋防禦使之名不廢也。大率防禦隸所治州。歲以八月考其治。其治否以無虞為上考。清苦為中考。政成為下考。宋朝沿唐制。置諸州防禦使。唐防禦使在團練使之下。宋朝陞之於上。職畧

云官制舊典防禦團練刺史均謂之正任外官初除管軍便帶正任刺史或隨其人見帶遙郡就除之其橫行諸司使帶遙郡防禦使者年勞至深邊功優異即落遙郡為正任官其團練使刺史則無法茲遙郡也。以上應管軍臣僚因乞改軍職遂以本官出守或領副總管方有帶正任者其宗室國戚除再遷使領正任乃國朝舊制

團練使

肅宗。乾元初。置團練使守捉使。大領十州。小者三五州。代宗時。元載當國。令刺史悉帶團練。唐職林李少其年晉州男子郇謨欲以三十字上獻多譏切元載大率團練皆隸所治州。歲以八月考其治否。以安民為上考。懲姦為中考。得情為下考。宋朝沿唐制。諸州

團練使

刺史

漢武帝元封五年。初置部刺史。掌奉詔條察州秩六百石。負十三人。唐武德元年。改太守曰刺史。加使持節。從三品。職同牧尹。宋制諸州刺史無定負。外官初除管軍。便帶正任。刺職隨其人見帶。遙郡就除之。其橫行諸司使。帶遙郡防禦使。者年勞至深。或邊功優異。即落遙郡為正任官。靖康元年。臣僚言。遙郡正任。恩數遼絕。自遙郡遷正任者。合次第轉行。今有自遙郡與落階官。而授正授直。超轉本等正官。是皆女媧巧希進躡取。乞應遙郡承宣使。有功勞。除正任者。止除正任刺史。從之。

按節度使。在唐為閫帥。觀察團練使。在唐為監司。防禦使。在唐為邊將。刺史。在唐為郡守。至宋則閫帥監司。邊將。郡守。各別有以名其官。而節度承宣觀察團練防禦。刺史。則俱無職任。特以為武臣遷轉之次序。故序其事於將軍都尉之後。

諸路將官

宋神宗留意武備。本以捍西北二虜。而推其法於東

南故西北為多。東南為少。陝西諸路四十二將。河北

諸路三十七將。而東南繞十三將。元豐四年詔東南

十三將淮南東路第一西路第二兩浙西路第三東

路第四江南東路第五西路第六荆湖北路第七南

路潭州第八全邵永三州備廣西應授第九福建路

第十廣東路第十一西路挂州第十二邕州第十三

合諸路九十二將。各有正副。軍中行圖陣隊。調發賞

罰。皆關決於將副。宣和六年詔元祐元年。司馬光請盡罷

諸路將官。其禁軍各委本州縣長吏。與總管鈐轄都

監押等轄。一如未置將官以前之法。而樞密院難之。

止詔諸路將副。在州駐劄。不係路分兵官知州。并州

鈐轄兼充者。並差將官一員。兼本州都監。其單將駐

劄處。勿復差兼。宣和五年。御筆諸路將副部隊。自今

並依元豐法選差。乾道四年。密院奏諸州揀中弓弩

手。雖已差路分鈐轄都監。春秋詣諸路巡按。緣逐州

未有將官。專一日逐訓練。恐致事藝生疎。詔諸州各

置準備將一員。專一管轄。日逐訓練。揀中弓弩事藝

孝宗會要哲宗職官志諸路將官掌統制所隸禁旅

以行陣隊伍金鼓旗戟弓矢擊刺之法而教習訓練

之別其武藝精強者待次遷補以激勸士卒凡兵仗

器甲之數稟祿犒設賞罰約束之禁令皆掌焉副將

為之貳若屯戍防邊則受帥司節制御寇敵則審其

戰守應授之事若帥有功則具職數籍用命者而旌

賞之

元祐初。右僕射司馬光乞罷諸路將官。疏曰。臣

竊見國朝以來。置總管鈐轄都監監押。為將帥之官。九州縣有兵馬者。其長吏未曾不兼同管轄。蓋知州即一州之將。知縣即一縣之將。故也。先帝欲征伐四夷。患諸州兵官不精勤訓練。士卒懈弛。於是有建議者。請分河北陝西河東京東京西等路諸軍若干人。為一將。別置將官。使之專功訓練。其逐州總管以下。及知州知縣。皆不得關預。及有差使。量留羸弱下軍。及剩員以充本州官白直及諸般差使。其餘禁軍皆制在將官。專事教閱。臣愚以為職事修舉。在於擇人。

不在設官。苟得其人。雖總管等。皆能訓練士卒。不得其人。雖將官亦何所為。况今之將官。即向之為總管者也。豈為總管則不能舉職。為將官乃能舉職乎。此徒變易其名。無益事實。非惟無益。兼復有害。凡設官分職。當上下相維。如身之使臂。臂之使指。紀綱乃立。今為州縣長吏及總管等官。而於所部士卒。有不相統攝。不得差使。殆如路人者。至於倉庫守宿街市巡邏。亦皆乏人。雖於條許差將下兵士。而州縣不能直差。須牒將官。將官往往占護不肯差撥。萬一有非常之

變州縣長吏。何以號令其衆。制禦姦宄哉。

都統

晉孝武帝太元十九年。有河西大都統。唐天寶末。置為天下兵馬元帥。都統朔方。河東北平盧節度使。都統之名始於此。乾元元年。戶部尚書李峘除都統。淮南江東西節度使宣慰觀察處置等使。都統之官始於此。唐制或總五道或總三道。上元末省。大中後討徐州。以康承訓討黃巢。以荆王鐸為都統。黃巢之難。置諸道行營都統。掌征伐。兵罷則省。雖總諸道兵馬。不賜旌節。宋朝諸軍都統制者。自渡江已前亦有之。然

未為官稱。蓋是時陝西河東三路。皆以武臣職高。有智畧者為馬步軍副都總管。遇出師征討。則加以都統制軍馬之名。猶今節制軍馬之類。非有司分也。建炎元年。置御營司。遂擢王淵為都統制。都統制名官自此始。大槩南渡置統制。一則兵興稱謂不一。諸路起兵。有自稱統制者。州縣管押勒王兵者。亦有稱統制者。諸道都總管及諸司便宜差統制者。建炎初。劉光世上言。於是並罷。惟中都主兵。朝廷差充統制者仍舊。紹興初。諸大將改為行營五護軍。四年。吳玠升宣撫副使。其弟為右護軍都統制。十一年。韓世忠張俊岳飛除樞密使副使。罷

宣撫司。其統領將副。並改充御前。隸樞密院。各帶御前字八銜。其兵馬。就令所部統制官節制。而都統皆以屯駐名。冠軍額之上。獨川陝如故。恩數畧視三銜。權任在帥臣之右。官卑者稱副都統制。設屬有計議機宜幹辦公事。準遣十九年。漢沔兩大將。改為御前諸軍。璘稱利州西路駐劄御前諸軍都統制。政稱利州東路駐劄御前諸軍都統。郭浩時已死。故金州無都統制。但以知州兼節制。嘉定初。蜀叛既平。安丙又奏分興州十軍為沔利三軍。沔州除都統制。利州除副都統制矣。初兀朮犯泗州。詔樞密使張俊於鎮江府置司。措置江淮守備。俊發張憲事。併岳飛死。俊遂薦其將定遠軍節度使田師中。掌故岳飛之兵。又薦清遠軍節度使王德往金陵。於是並詔為御前都統制。師中於鄂州。德於建康府駐劄。

副都統

唐興元中。置副都統。宋朝紹興中。亦有副統制。隆興二年。詔應諸軍副都統制。並罷。乾道三年。五月。陳天麟奏荆南都統王宣久病。邊報不一。恐緩急誤事。蔣芾奏。負琦為副都統。同管軍。閏七月。上謂宰執曰。朕欲江上諸軍。各置副都統制一員。令兼領軍事。豈

惟儲他日統制。亦使主將有所顧忌。於是郭剛為鎮江副都統制。張榮為建康副都統制。三省樞密院定制。云已復置在外副都統制。裨贊主帥。商議軍事。覺察奸弊。所有本司文字。與都統連銜。調發軍馬。并聽都統指揮。月旦亦許上表。平江許浦水軍。乾道間置副都統以領之。

統制

統制。統領官三衙及御前軍將佐也。祖宗時禁兵但以路分都監等領之。渡江後大軍又有統制同統制副統制。統領同統領副統領等。其下乃有正將副將。

準備將之名。皆偏裨也。舊制準備而上。自主帥陞差。仍先申樞密院定察。紹熙四年。詔江上陞差統制。至準備將令主帥解發。三人赴總領所。內選一名。慶元三年。詔陞差並委主帥。自是主帥之權復重矣。

都總管副總管附

魏黃初始置都督諸州軍事。後周改都督諸州軍事為總管。武帝時。以王謙為益州總管之名始此。隋文帝以并益荆揚四州置大總管。其餘總管府置於諸州。列為上中下三等。加使持節。煬帝改帥都督為旅帥。唐諸州復有總管。亦加使持節。武德初。邊要之

地亦置。宋朝馬步軍都總管。以節度使充。副總管以觀察以下充。有止一州者。有數州為一路者。有帶兩路三路者。或文臣知州。則管勾軍馬事。舊相重臣亦為都總管。有禁兵駐泊其地者冠以駐泊之名咸平發三路都總管。景德詔鎮定兩路併為一路。諸路並去。行營之名止為駐泊總管。慶曆三年。詔近分陝西緣邊為四路。各置經畧安撫招討等使。自今路分總管鈐轄以上。許與都總管司同議軍事。路分都監以下。並聽都總管等節制。違者以軍法論。七年。析河北四路。各置都總管一員。如無止以安撫使總制諸路。八年。諸州部署

並改總管副總管。

又職畧總管舊日部署英廟諱改馬又續會要云兩朝國史志有兵

為總管副總管凡武臣以諸司使以上充文臣以兩

省五品以上充一州即為兵馬總管一路充文臣以兩

總管副

建炎元年。李綱言守備當於沿河沿淮沿江。

置帥府要郡以控扼。其帥府文臣一員。帶安撫使馬

步軍都總管。武臣一員。充副總管。改路分為副總管。

路鈐轄為副鈐轄

州鈐轄為副都監遇朝廷起兵。則副總管為帥。副鈐

轄都監各以兵從。出聽其節制。正官願行者聽。紹興

二年。詔郡守臣罷帶兵職。諸路副總管。可依舊改充

路分鈐轄。五年。密院言東南多事。合要近上兵官總

領軍政。乃詔兩浙江南荆湖福建廣東可依三路置

總管於帥府。七年。淮東置總管。十二年。諸路並置州總管一員。

都副鈐轄州鈐轄附

宋初。以朝官及諸司使以上充。或一州。或一路。或兩路。三路。亦有無都字者。嘉祐。詔內臣為鈐轄都監者。逐路止置一員。祖宗時不常置。成都大府帥臣第帶

兵馬鈐轄。而兩武臣之為鈐轄者與鈞禮。張詠知益州群盜充

斥詠一日召鈐轄以州印付之曰盜勢如此而鈐轄晏然無討賊心是必欲詠自行也鈐轄宜權州事鈐轄若無功而還必斷頭於此樓下鈐轄震慄遂平賊而還深充都鈐轄官卑資深稱鈐轄高建炎三年。詔要

郡守臣兼兵鈐轄。改為路分都監。而帥府如故。自從益。瀘。夔。廣。桂。五州牧。皆以都鈐為稱。而江西贛州以多盜。其守臣亦帶江西兵馬鈐轄。至於武臣為路鈐者。亦無尺籍伍符。然每歲猶往諸州按閱。特存故事而已。間有得旨葺治軍器。或訓練禁軍者。則仍帶入街。二十八年。鎮江府守楊揆言。舊政法一路則有路分鈐轄。一州則有州鈐轄。如常秀平江皆有之。獨鎮江闕。欲添置州鈐轄。從之。淳熙間。詔諸路訓練路鈐。並要年六十以下。曾經從軍有才武人充。紹熙初。詔雜流出身不得注路分州鈐都監。專注才武及曾任

主兵官之人

兵馬都監 州都監附

宋朝兵馬都監。有路分掌本路禁旅屯戍邊防訓練之政令。以肅清所部。建炎三年。以要郡守臣帶本路兵馬都監武臣一員充副都監。紹興三年。罷守臣兼兵職。而副都監如故。州都監則以大小使臣充。掌本城屯駐兵甲訓練差使之事。兼在城巡檢。資淺者為監押。或雜用文臣其後。止用武臣。

巡檢

宋朝有沿邊溪洞都巡檢。或蕃漢都巡檢。或數州數

縣管界。或一州一縣巡檢。掌訓練甲兵。巡邏州邑。擒捕盜賊事。又有刀魚船戰棹巡檢。江河淮海。置捉賊巡檢。又巡馬。遞鋪。巡河。巡捉私茶鹽等。各視其名。分以修舉職業。皆掌巡邏機察之事。中興後。凡沿江沿海。招集水軍。控扼要害。及地分闊遠處。皆置巡檢一員。往來接連。合相應援處。則置都巡檢以總之。皆以才武大小使臣充。各隨所在。聽州縣守令節制。本寨事。並用取州縣指揮。若海南瓊管及歸峽荆門等處。跨連數郡。控制溪峒。又置水陸都巡檢使。或三州都巡檢使。以增重之。

文獻通考卷五十九

文獻通考卷六十

鄱陽 馬端臨 貴與 著

職官考

東宮官總叙

凡三王教世子。必以禮樂。樂所以修內。禮所以修外。禮樂交錯於中。發形於外。是故其成也懌。懌。恭敬而溫文。懌。中心也。立太傅少傅以養之。欲其知父子君臣之道也。懌。言養者積也。太傅審父子君臣之道以示之。少傅奉世子以觀太傅之德行而審諭之。太傅在前。少傅在後。謂其在入則有保。出則有師。漢班彪居上書曰昔

成王為孺子出則周公召公入則太顛是以教諭而

德成也。師也者教之。以事而諭諸德者也。保也者慎

其身以輔翼之。而歸諸道者也。慎其身者秦漢以下

始加置詹事中庶子。及諸府寺等官。亦有以他官而

監護者。漢孝宣帝欲令中郎將監護太子家疏廣以

居承光宮以侍御史種高憂懼不能止開門將出而

來戰太子太子太傅高褒憂懼不能止開門將出而

無至手劍當車曰太子去國之知不與內寵姦臣共狹

邪謀今日之得有死勅乃聽之遣自魏明帝以後久曠

褒謂臺啓白得事中有死勅乃聽之遣自魏明帝以後久曠

東宮制度闕廢。官司不具。兼置四友等官以諸葛恪

為左輔張休為右弼顧譚為輔正都尉陳袁事。左右率庶子。中舍人諸官並未置。惟置衛率令典

兵二傳。并攝衆事。至咸寧元年始置詹事以領官事。

宋孝武置東宮率更令等官。其中庶子庶子中舍人

舍人洗馬各減舊負之半。後周加置太子諫議負四

人。至隋罷詹事分東宮置門下坊典書坊。北齊已有

以分統諸局。北門下內門下坊有左庶子二人。內舍

人四人。錄事二人。統司經官門內直典膳藥藏齊師

等六局。典書坊有右庶子二人。舍人通事舍人各八

人。領內坊。唐置詹事府以統衆務。置左右二春坊

以領諸局。龍朔二年改門下坊為左春坊典書坊為

左春坊置左庶子二人。中允二人。司議郎四人。錄事二人。左諭德一人。左贊善大夫五人。崇文館校書二

人。亦統六局。隋同其六局唯改齊師為典設餘局名與

坊置右庶子二人。中舍人二人。舍人四人。錄事二人。

右諭德一人。右贊善大夫五人。通事舍人八人。兼領

內坊。內坊置典內二人掌閤內因隋制也宋仍唐

制。東宮有六傳。下至率更令。僕右官存而無職司。至

道元年。建儲闈。置賓客二人。左右庶子諭德中舍各

一人。並以他官兼充。左右春坊鑄印置吏負。及太子

登極。則省春坊司。累朝皆然。真宗在東宮。建堂習射。

名繼照堂。有勾當官三人。及以諸司使仁宗在東宮。肄

太子六傳

學建堂。名資善堂。有都監一人。知押班內侍都

太子師保二傳。殷周已有。逮乎列國。秦亦有之。時孝公

常。後亦有少傳。高帝東征為太子監關中兵謂張良

通為太傅留侯行少傳事又疏廣字仲翁為太傅兄

子受為少傅父子並為師傳朝廷以為榮常玄成丙

傳主太子官屬。漢魏故事。太子於二傳執弟子禮。皆

為書。不曰令。少傅稱臣。而太傅不臣。吳薛綜子瑩

為太子晉太始三年。武帝始建置東宮。各置一人。尚

未置詹事官。事無大小。皆由二傅。少傅立草。太傅書

真。以為儲訓。並有功曹主簿五官秩。與後漢同。皇太

子先拜。諸傅然後答之。如弟子事師之禮。二傅不得

上疏曲敬。武帝以儲副體尊。遂命諸公居之。以本位

重。故或行或領。時侍中任愷。武帝所親敬。復使領之。

蓋一時之制也。咸康元年。以給事黃門侍郎楊珧為

詹事。掌宮事。二傅不復領官屬。及楊珧為衛將軍。領

少傅。復省詹事。遂崇廣博訓。命太尉賈充領太保。司

空齊王攸領太傅。所置吏屬復如舊。二傅皆進賢兩

梁冠。黑介幘。五時朝服。佩水蒼玉。晉令曰太子太

後太尉汝南王亮。車騎將軍楊駿。司空衛瓘。石鑿。皆

領傅保。猶不置詹事。以終武帝之代。惠帝元康元年。

復置詹事。二傳給菜田六頃。田騶五十。夏後不及

又愍懷建宮。乃置六傅三太三少。以景帝諱師。故改

太師為太帥。通省尚書事。詹事文書。關由六傅。職官

曰晉太子六傅各有丞一人自元康之後。諸傅或三或四或六。渡江之後。有太傅少傅。不立師保。宋有太傅少傅。各兼丞一人。其保傅並銀章青綬。齊與宋同。武帝時。以王

儉為少傅。舊太子敬二傅同。至是朝議接少傅以賓

友之禮。梁太傅位視尚書令。少傅視左僕射。錄曰三要

少舊視左僕射也陳因之。自宋以下。惟有傅而無師保。

後魏有太師太傅太保。謂之東宮三太。少師少傅少

保。謂之東宮三少。孝明在東宮宣武皇帝欲以霍光

拜再拜臣皆從太子拜光北面立不敢答北齊皆有

之。出則三師在前。二少在後。後周不置。隋與北齊同。

唐六傅不必備。唯其人。太子出則乘輅備儀。以為後

從。貞觀中。太宗撰太子接三師之儀。出殿門迎太子

先拜。三師答拜。每門讓三師坐。與三師書。前名惶恐

後名惶恐。再拜。先天元年十二月詔東宮三師三少

直開府置令丞各一人隸詹事府尋

罷

宋朝師傅不當設。仁宗升儲。置三少各一人。李文定

公昉以參知政事兼掌賓客。及陞左相。遂進兼少傅。

此宰相兼官僚之所從始也。丁謂兼少師。馮拯兼少

傅。曹利用兼少保。是時實為東宮官。餘多以前宰執

為致仕官。若太子太師太傅太保。以待宰相官未至

僕射者。及樞密使致仕。亦隨本官高下。除授太子少

師少傅少保。以待前執政。其少師非經顧命不除。若

本官至尚書即除。少傅丞郎給諫。只除少保。若因遷

...

轉則逾進一官。至太師即遷司空矣。天禧末。皇太子同聽政。乃以首相兼少師。樞密曹利用兼賓客。自後神宗欽宗。孝宗。光宗。在東宮皆不置。開禧三年。史同知彌遠。自詹事入樞府。乃進兼賓客。已而太子侍立。遂以錢丞相象祖。兼太子少傅。明年景獻太子立。並置二相。錢左相。改兼少師。史右相。兼少傅。未幾右相丁內艱。左相亦去位。又明年。右相起復。遂進兼少師焉。

太子賓客

漢高帝時。有四人年老以上。慢侮。逃匿山中。義不為

漢臣。謂之四皓。

東園公。綺里季夏。黃公。角里先生。

高帝不能致。及將

廢太子。太子迎四人至。侍從太子。鬚眉皓白。衣冠甚

偉。高帝曰。既見煩公。幸卒護太子。太子由是不廢。至

孝武帝。又為太子立博望苑。使通賓客。晉元康元年。

閔懷太子始之東宮。惠帝詔曰。適幼蒙今出止東宮。

雖賴師傅群賢之訓。其遊處左右。宜得正人。能相長

益者。太保衛瓘。司空隴西王泰。太子太傅楊濟。太子

少師裴楷。太子少傅華廙。各道義之門。有不肅之訓。

其令五人更往來。與太子習數。備賓友也。其時雖非

官。而謂之東宮賓客。皆選文義之士。以侍儲皇。其後

無聞。唐顯慶元年正月以太子太傅兼侍中韓瑗中書令來濟禮部尚書許敬宗左僕射兼太子少師于志寧並為皇太子賓客遂為官負定置四人掌調護侍從規諫。凡太子有賓客之事則為上齒。蓋取象於四皓焉。資位閑重其流不雜。天寶中賀知章自太子賓客度為道一還鄉捨宅為觀玄宗賦詩宋至道元年建儲乃置賓客二人以他官兼。天禧四年參政任中正樞副錢惟演參政王曾並兼太子賓客執政兼東宮官自此始。中興後賓客罕除開禧三年景憲太子立始以執政兼賓客。後復省。

太子詹事

詹事秦官。

應劭曰詹省也給也

漢因之掌皇后太子家。

皇后太子各置

詹事隨其所在以名官漢官曰詹事位長秋上亦在

省主中諸官後漢志曰初成帝鴻嘉三年省詹事職并大長秋是後皇太后當法駕尚則中謁中官者職吏權兼詹事奉引訖罷官者誅後尚書選兼職吏一人

奉引比皆皇漢時太子門大夫庶子洗馬舍人皆屬

二傅。其太子家令丞率更令丞僕中盾衛率等官並

屬詹事。後漢省詹事而太子官悉屬少傅。魏復置詹

事領東宮衆務。晉不置。至咸寧元年復置以掌官事。

事具六及永康中復不置自大安以來又置終孝懷

之代。晉職擬尚書令掌三令四率中庶子庶子洗馬

舍人等官。銀印青綬。介憤進賢。兩梁冠。絳朝服。佩水

蒼玉。宋與晉同。齊置府領官屬。齊沈文季為太子詹事。梁陳任

總官朝。後魏有太子左右詹事。北齊東宮衆事無大

小皆統之。領三寺二坊。及左右衛。後周置太子宫正

官尹。隋開皇初。置詹事。二年罷之。唐復置詹事府。詹

事一人。掌內外衆務。糾彈非違。總判府事。置少詹事

一人以貳之。龍朔二年。改詹事為端尹。詹事府為少

詹事為少尹。咸通初。復舊。丞秦官。漢因之。後漢省。

魏晉隋詹事省。置。至晉永康中。詹事特置丞一人。掌

文書。關通六傳。過江多用。貞外郎。遷尚書郎。宋齊因

之。梁陳制一梁冠。阜朝服銅印墨綬。後魏北齊並有

之。後魏楊昱字元畧為詹事丞。孝明為太子尚。在懷

抱其所出入唯乳母而已。不令官僚聞知。昱諫曰

太子動止宜令翼從。陛下若召太子必降手勅。令臣

下咸知。乃詔曰自此已後非朕手勅勿令兒出宮。官

臣在直從。隋初置一人。唐置二人。掌文武官簿帳。朝

集假使。府分判主簿一人。晉始置。自後歷代皆有。唐因

之。掌付事。勾稽監。印紙筆司直二人。唐龍朔三年。置

桂坊比御史臺。置令一人比大夫。司直二人比侍御

史。掌彈劾官府寮。其後廢桂坊。以司直隸詹事府。宋東宮官有詹事。仁宗陞儲。置詹事二人。神宗欽宗。升儲。並置二人。皆以他官兼登位。後省。乾道元年。莊

文太子立。置詹事二人。踰月。詔太子詹事。遇東宮講讀日。並往陪侍。七年。光宗正儲位。以敷文閣直學士王十朋。敷文閣待制陳良翰。為太子詹事。不兼他官。非常制也。

太子庶子

中允舍人

司議郎

中舍人通事舍人

贊善文學

洗馬校書

崇文館學官門等郎

正字內直

典膳典設

藥藏

古者天子有庶子之官。

周官謂諸子

職諸侯卿大夫之庶

子。掌其戒令。與其教理。有大事則帥國子而致於太

子。惟所用之。秦因之。置中庶子。庶子。負。

宋志云後漢

齊人鄒陽上疏云秦皇帝任中庶子

漢因之。有庶子

負五人。史丹王商。歐陽地。餘並為中庶子。

王莽改曰中尚翼子

後漢負五人。職如侍中。而庶子無負。職如三署中郎。

凡庶子主官中。并諸吏之適子。及支庶。版籍魏因之。

在吳為親近之官。晉中庶子。庶子各四。負。職比散

騎常侍。及中書監令。皆以俊茂者為之。或以郡守參

選。鄭默為中庶子。朝廷以為太子官屬。宜稱陪臣。默

命天朝不得同之。藩國事遂施行。又王珣啓以桓謙

才。得其若釋奠中。庶子扶左。庶子扶右。宋與晉同武官

平巾幘絳朝服。元嘉初。詔二率中庶子。隨太子入直上宮。十四年。又詔還直東宮。至齊其庶子用人卑雜。梁天監七年。詔革選其言。以太子中舍人司徒從事中郎為之。凡中庶子四人。以功高者一人為祭酒。行則負璽。前後部護駕。與功高中舍人一人共掌其坊之禁令。庶子四人。掌侍從左右。獻納得失。與功高通事舍人一人共掌其坊之禁令。冠服並同。前代陳因梁制。後魏亦有中庶子。庶子官。北齊門下坊中庶子四人領之。典書坊庶子四人領之。隋分為左右庶子各二人。分統門下典書二坊事。唐亦各二人分掌左

右春坊事。龍朔二年。改左右庶子為左右中護。咸亨

初復舊。左擬侍中而右擬中書令。

貞觀中詔曰皇太子與百官書疏未

有制式近代以來例皆名目無以別貴賤今凡處分論事之書皇太子並宜稱令右庶子以下署名宣奏行書其餘與諸親及中允司議郎司經洗馬文學校

師傳等書不在此限書正字典膳藥臚。內直。典設宮門等局郎丞崇文館並屬右春坊。中舍人舍人。通事舍人並屬左春坊。其諭德贊善亦左右分隸焉。

中允。後漢太子官屬有之。職在中庶子下。洗馬上。漢制太子五日一朝。其非朝日。即使僕及中允朝朝請問起居。其後無聞。宋齊有中舍人。是其職也。唐貞觀

初改太子中舍人為中允置二員其後復置中舍人
龍朔二年又改中允為左贊善大夫咸亨元年復為
中允而左贊善仍置焉中允掌侍從禮儀駁正啓奏
并監藥及通判坊局事若庶子闕則監封題職擬黃
門侍郎永徽三年以皇太子諱忠改為內允太子遜
位而官復舊

司議郎唐貞觀五年皇太子上表請置史職用司箴
誡乃於門下坊置太子司議郎四人精選名士以居
之龍朔中分為左右以左司議郎替司議郎以右司
議郎替舍人咸亨初復舊掌侍從規諫駁正啓奏并

錄東宮記注分判坊事職擬給事中

中舍人晉咸寧初置中舍人四人以舍人才學之美
者為之與中庶子共掌文翰在中庶子下洗馬上

晉陸

雲為中舍人

凡奏事文書皆綜典之監和嘗藥月檢奏直

臣名更直五日典文疏如中書郎宋亦四人齊有一
人梁時功高者一人與中庶子祭酒共掌其坊之禁
令陳因之後魏北齊並有之隋曰內舍人四員屬門
下坊煬帝減二人唐中舍人二員掌侍從令書奏疏
通判坊事擬中書侍郎永徽三年以皇太子諱忠改
為內舍人太子遜位而官復舊或謂之太子中書舍

人孝和實錄曰王友貞太子中書舍人

舍人。秦官也。漢因之。比郎中。選良家子孫。是錯鄭當時並為太

子舍後漢無負。更直宿衛如三署郎中。凡帝初即位

未有太子。太子官屬皆罷。唯舍人不省。屬少府。魏因

之。晉有十六人。職比散騎中書侍郎。從駕則正直從。

次直守。妃出則次直從。宋有四人。齊有一人。梁有十

六人。掌文記。陳因梁制。後魏亦有之。北齊典書坊。置

二十人。隋典書坊有八人。煬帝改為管記舍人。減四

負。唐復為太子舍人四人。掌侍從表啓。宣行令旨。分

判坊事。龍朔二年改為右司議郎。咸亨元年復舊。

通事舍人。齊中庶子屬官。有通事守舍人。庶子下有

內典書通事舍人二人。掌宣傳令旨。內外啓奏。梁亦

有之。視南臺御史。多以餘官兼職。陳因之。北齊門下

坊有通事舍人八人。至隋亦有之。煬帝改為宣令舍

人八負。唐復為通事舍人。亦有八負。掌引導辭見。承

旨勞問。

左右諭德。龍朔三年初置。太子左右諭德各一負。掌

侍從贊諭。職比常侍。

左右贊善大夫。龍朔二年初置。左贊善大夫替中允。

置右贊善大夫替中舍人。咸亨元年。中允舍人復舊。

而贊善大夫別自為官。左右各五人。皆掌侍從翊養。比諫議大夫。

崇文館學士。魏文帝始置崇文觀。以王肅為祭酒。其後無聞。貞觀中置崇賢館。有學士直學士。負掌經籍。圖書教授諸王。屬左春坊。龍朔二年改司經局為桂坊。管崇賢館而罷隸右春坊。兼置文學四員。司直二員。司直正七品上職。為東宮之憲司。府門北向。以象御史臺也。其後省桂坊而崇賢又屬左春坊。後沛王賢為皇太子。避其名。改為崇文館。其學士例與弘文館同。

洗馬秦官。漢亦曰先馬。

如淳曰前驅也。國語曰勾踐親為天差洗馬先或作送。

後漢員十六人。職如謁者。太子出則當直者前驅。導威儀也。漢選郎中補郎安帝時太子謁廟洗馬高山冠非乘

從時着小冠。魏因之。晉有八人。職如謁者。准秘書郎。集賢一梁冠。黑介幘。絳朝服。掌圖籍。釋奠講經。則掌其事。餘後漢同。宋與晉同。齊置一人。梁有典經局。又置八人。掌文翰。尤為清選。皆取甲族有才名者為之位。視通直郎。陳因之。北齊典經坊洗馬二人。隋曰司經局。置洗馬四人。煬帝減二人。唐司經局洗馬二人。龍朔二年改洗馬為司經大夫。三年改司經局為桂

坊一云析司經局置桂坊司經大夫通判坊事罷隸左春坊咸

亨初復舊掌侍奉及經史圖籍判局事文學漢時郡

及王國並有文學而東宮無聞魏武置太子文學自

後並無至後周建德三年太子文學十人後省龍朔

三年置太子文學四員屬桂坊桂坊廢而屬司經開

元中定制為三員掌侍奉分掌四部書判書功事

校書宋孝建中洗馬有校書吏四人自後無聞北齊

有太子校書隋太子校書有六人唐四人掌讎校經

籍正字隋太子正字二員煬帝改為正書唐復為正字

亦置二人掌刊正文字

典膳郎漢魏以來並有太子食官局至北齊門下坊

始別置典膳局有監丞各二人隋如北齊之制唐典

膳局有郎二人丞二人郎掌進膳嘗食之事丞貳之

乾封元年皇太子久在內不出典膳丞邢文偉請減膳其年右史闕宰臣進擬數人高宗曰邢文偉嫌我見不讀書不肯與肉喫此人甚直可用遂拜焉

藥臚郎北齊門下坊領藥臚局有監丞各二人侍藥

四人隋如北齊之制唐藥臚局有郎二人丞二人郎

掌和齊醫藥之事丞貳之

內直郎齊有太子內直兵局內直兵史二人梁有直

內主璽主衣扶侍等局。各置有司以承其事。陳因之。北齊門下坊領殿內局。有內直監二人。副監四人。隋如北齊制。唐內直局。有郎二人。丞二人。掌符璽繖扇。几案衣服之事。丞貳之。

典設郎。南齊置居局。齊庫丞一人。梁齊內局。各置有司以承其事。陳因之。北齊門下坊有齊師局。有太子齊師閣師各二人。隋如北齊制。唐典設局。有郎四人。掌凡大祭祀。湯沐洒掃鋪陳之事。

宮門郎。秦有太子門大夫。漢因之。負二人。

漢官儀曰門大夫選

四府屬職比郎將。

漢官儀曰安帝時太子謁廟門大夫乘從冠兩梁冠魏因之。晉

太子門大夫。准公車令。掌通箋表及宮門禁防。宋因之。梁代視謁者僕射。陳因之。北齊謂之門大夫坊。并統伶官。隋煬帝改門大夫為宮門監。唐初為宮門大夫。今門官局有郎二人。丞二人。郎掌東宮殿門管鑰及啓之事。丞貳之。

宋制東宮官。有左右庶子諭德。舊不常設。每儲闈之建。隨宜制官以備寮案。多以他官兼領。仁宗神宗升儲。庶子諭德各置二人。欽宗升儲置一人。乾道中。庶子諭德除左不除右。七年。詔庶子諭德輪日入宮。仍同供職事。太子侍讀侍講。唐太宗為秦王。府有侍

講及為太子亦置焉。其後或置或不。開元初。十王宅引辭學子書者。入教亦為侍讀。而無侍講。宋神宗升儲。置侍講侍讀各一人。乾道七年。禮部太常言討論東宮開講儀。官僚遇講讀。詹事以下至講讀官上堂。並用賓禮。參見如延英儀講罷復位。中舍人舍人。至道天禧建儲。各置一人。神宗欽宗登儲位。皆置中興後省。嘉泰初。始除王元實。後以館職任伯起。兼之慶元。令太子舍人與中舍人皆從七品。而中舍人又在舍人之上。然故事未嘗除資善堂。太中祥符八年。仁宗肄學始置。至紹興五年。孝宗以建國公就傅。就

禁中置學館。建資善堂。以范冲。朱震為翊善。舊制有翊善贊讀直講。中興以後增置說書小學教授。開禧初。皇子初封。榮王命程少逸。趙子中領贊讀。不稱王府。而以資善繫銜。蓋以未出閣之故。乾道七年。禮部太常寺言討論東宮開講。并節朔賀慶辭謝禮儀。官僚講讀。無已行故事。當依倣講筵。稍殺其禮。每遇講讀。詹事以下至講讀官上堂。並用賓禮。參見。依官職序坐。皇太子正席。講讀官迭起。如延英儀。講罷復位。節朔不受官僚參賀。元日冬至。詹事以下。歲賀謝辭。初以常見之禮。後離位致詞。復位就坐。茶湯罷。詹

事初上參見皇太子拜。皇太子答拜。庶子等初上參見皇太子受拜。庶子諭德及講讀官。雖有坐受之禮。止是五禮新儀所載。無日逐致拜之禮。近例皆已不行。或遇合致拜日。更不參酌。天禧至道故事施行。並從之。按天禧二年。庶子張士遜等言。臣等日請資善堂參見皇太子。雖令升階列拜。然後跪受。望令皇太子坐受。參見詔不許。至道元年。皇太子每見賓客。必先拜迎。送常降階及門。

太子家令

丞典倉署主簿

食官署司歲署

家令。秦官。屬詹事。

服虔曰。太子稱家。故曰寡令。

漢因之。有丞。主倉

穀飲食。職似司農少府。漢代。太子食湯沐邑十縣。家令主之。後漢則屬少傅。主倉穀飲食。魏因之。晉又兼

主刑獄。穀貨飲食。職比廷尉司農少府。其家令率更令及僕為太子三卿。太康八年。進品與中庶子二率同。自漢至晉。家令在率更下。宋則居上。銅印墨綬。進賢兩梁冠。絳朝服。主內茵褥床几。諸供中之物。及官奴婢。月用錢庫內鹽米車牛刑獄。齊因之。自宋齊以來。清流者不為之。至梁天監六年。武帝以三卿陵替。乃詔革選家令。視常侍黃門。陳因之。後魏亦曰三卿。北齊家令有功曹主簿領食官典食司歲等三署。及領內坊令丞。隋掌刑法食膳倉庫奴婢等場。帝改為司府令。唐復為家令。寺置家令一人。唯不主刑法餘

與隋同。龍朔二年。改家令寺為官府寺。家令為官府大夫。咸亨初。復舊。丞二人。主簿一人。領食官署。典倉署。司歲署。署令各一人。丞各二人。丞漢家令有丞。後無。聞宋舊云。家令丞一人。晉置。宋齊以後並有之。後周無。隋家令丞二人。唐因之。龍朔二年。改為官府丞。咸亨元年。復舊。掌判寺事。

主簿。晉家令有主簿。宋齊因之。自後無。北齊家令有主簿。負隋亦然。唐因之。掌印。并及勾舉。

食官署令丞。漢詹事屬官有食令長丞。後漢亦有而屬少傅。主飲食。晉太子食官令。職如太官令。宋則屬中庶子。齊則屬詹事。掌厨膳之事。梁食官局屬庶子。陳因之。後魏亦有。北齊有食官令丞。又別領器局。酒局。二丞。隋家令寺統食官令丞。令一人。丞二人。唐因之。掌飲膳之事。

典倉署令。後漢太子倉令屬少傅。主倉穀。魏以下無。聞後魏有之。北齊家令寺領典倉署。令丞。典倉署又別領園丞。隋家令寺統典倉令丞。令一人。丞二人。唐因之。掌穀。歲出納及醯醢。庶羞之事。

司歲署令。晉家令有主物吏人。梁有錫賜庫局丞。庶子。又有東宮衛庫丞。北齊家令寺領司歲署令丞。司

歲又別領仗庫典作二局丞隋家令統司歲署令一人丞二人唐因之掌歲庫財貨營繕之事

宋有主管左右春坊事二人以內無臣同主管左右春坊

事二人以武無臣承受官一人以內無侍仁宗神宗升儲位並

有之中興後孝宗光宗正儲位及莊文景獻太子皆

置其官

太子率更令丞主簿

率更令秦官顏師古曰掌知漢因之有丞主簿庶子

舍人更直職似光祿勳而屬詹事後漢因之後屬少

傅魏因之晉主宮殿門戶及賞罰事職如光祿勳衛

尉而屬詹事宋制銅印墨綬進賢兩梁冠絳朝服梁

陳後魏並有之北齊領中盾署掌周衛禁防漏刻鍾

鼓亦屬詹事隋掌伎樂漏刻有令丞錄事各一人唐

因之加掌皇族次序及刑法事龍朔二年改率更寺

為司更寺改令為大夫咸亨初復舊丞主簿各一人

丞後漢率更置丞一人歷代悉有唯後周無唐因隋

掌判禮樂刑罰之事

主簿晉置一人宋無齊有之自後無聞北齊隋又有

之唐因之掌印及勾舉

太子僕丞主簿廐牧署

府秦官。漢因之。又有長丞主車馬。一人亦主車馬。後漢因之。而屬少傅。僕如太僕。太子五日一朝。其非太子朝日。即與中允入問起居。魏因之。晉主輿馬兼主親族。如太僕宗正。從駕乘安車。次家令而屬詹事。宋齊並有之。梁視黃門郎。陳因之。後魏亦有北齊詹事領僕寺。置令丞功曹主簿領廐牧署令。隋僕寺置僕一人。掌皇族親踈車輿騎乘。領廐牧署令。唐因之。加掌儀仗喪葬而不掌親族。龍朔二年。改僕寺為馭僕寺。改僕為大夫。咸亨初復舊。丞主簿各一人。統廐牧署

丞。梁有之。陳因之。後魏北齊隋並有之。唐因之。主簿。晉置。宋無。齊有之。梁陳後魏無。北齊隋皆有之。唐因之。

廐牧署令丞。漢有太子廐長丞屬詹事。後漢亦有而屬少傅主車馬。魏晉因之。齊東宮屬有內廐局皆有丞。梁陳因之。後魏有之。北齊則曰廐牧署令丞。車輿局丞。隋僕寺統廐牧署令丞。唐因之。掌車馬閑廐牧畜之事。

左右衛率府 副率已下官屬

衛率府。秦官。漢因之。屬詹事。後漢主門衛徼循衛士

而屬少傅。魏因之。晉武帝建東宮。置衛率。初曰中衛

率。太始五年分為左右衛率。各領一軍。惠帝時愍懷

太子在東宮。又加前後二衛率。晉志曰凡太子出前

右二率從使導輿車後衛率從在烏皮外並帶戟執

刀其服並視左右衛將軍劉卞為愍懷太子左率知

賈后必害太子乃謂張華曰東宮雋人如林四率精

兵萬人公居阿衡之任若得公命皇太子入朝使錄

尚書事廢賈后於金墉成都王穎為太弟。又置中衛

率。是為五率。及江左省前後率。孝武太元中。又置宋

齊止署左右二率。梁二率視御史中丞。銅印墨綬。武

冠絳朝服。左率領七營。右率領四營。陳有二率。後魏

曰左右衛率。北齊謂之左右衛率坊。後周東宮有司

戎司武司衛等負。隋曰左右率。兼有副率二人。煬帝

改左右衛率為左右侍率。兼置副率二人。唐為左右

衛率府。龍朔二年改其府為左右典戎衛。咸亨元年

復舊。置率各一人。領兵宿衛。督攝隊伍。總判府事。李

為中書令行左衛副率二人。掌貳長史各一人。隋置

唐因之。掌通判。自長史以下。胄曹以上。諸率府並同

錄事參軍各一人。隋置。唐因之。掌勾稽監印

倉曹參軍各一人。隋置。唐因之。賞官負假使儀式。糧

廩膳羞田園公廨。過所監藥等事。

帳差科。及公私馬驢等

胄曹參軍各一人。隋置為鎧曹。唐長安中改為胄曹參軍。神龍初。復為鎧曹。太極中。復為胄曹。掌軍器儀仗。公廨營造罪罰。長吏以下官局。所領職務。諸率府並同。

親府勳府翊府中郎將各一人。梁左右衛率共領十一營。一率各領殿中將軍十人。負外將軍十人。壯齊左右衛坊率各領騎官。備身負外。又有內直。備身正副都督。隋左右衛率下直閣四人。直寢八人。直齋直後各十人。唐則曰親勳翊三府。各置中郎將。左右郎將各一人。唐置錄事兵曹參軍各一人。

宋制左右衛司禦清道監門內率府率。率府副率。不常置。中興後。惟監門率府副率。為環衛階官。

左右司禦率府

隋文帝置左右宗衛。其官制如左右衛。各掌以皇族侍衛。煬帝改為左右武侍率。唐復為左右宗衛率府。龍朔二年。改為左右司禦衛。後改衛為率府焉。神龍初。復為宗衛。景雲二年。復為司禦率府。置率各一人。所掌與左右衛率同。副率以下職亦同他准此副率二人。長史錄事。及倉兵曹參軍各一人。

左右清道率府

隋有左右虞候。各置開府一人。掌斥候伺姦非。長史以下。如左右衛。煬帝改開府為左右虞候。并置副率二人。唐為左右虞候府。職擬左右金吾。龍朔二年。改為左右清道衛。神龍初。又為虞候率府。開元初。為清道率府。各置率一人。掌斥候道路。先驅後殿。伺察姦非。副率二人。長史錄事及倉兵曹參軍各一人。宋至道元年。東宮置左清道率府。副率兼左春坊謁者。主贊引。真宗登位省。仁宗在東宮。復以郭承慶。夏元亨為之。登位復省。

左右監門率府

隋左右監門率。各置一人。掌諸門禁。煬帝改為監門將軍。唐復為左右監門率。擬左右監門。龍朔二年。改為左右崇掖衛。咸亨初。復舊。垂拱中。改為鶴禁衛。神龍初。復舊。各置率一人。掌門禁籍。傍副率二人。長史錄事參軍。及兵曹二。曹參軍各一人。

左右內率府

隋置左右率。副率各一人。掌領備身以上。所領千牛。以下典千牛。牛衛禁內侍衛供奉兵仗。唐為左右內率府。龍朔二年。改為左右奉裕衛。咸通初。復舊。各置率一人。掌侍

衛左右供奉兵仗副率長史錄事參軍及兵曹各一人。千牛各十六人。掌執細刀弓箭。宿侍從備身各二十四人。掌宿衛侍從。龍朔二年。改太子左右千牛備身為太子左右奉裕。尋復舊。

太子旅賁中郎將

旅賁中郎將一人。職如武賁中郎將。宋初置。天子有武賁習武訓也。諸侯有旅賁。禦災害也。唐諸帥府。初有中郎郎將官。永徽元年。以太子名忠。改諸率府中郎將為旅賁郎將。其郎將改為翊軍。後或改或省。

太孫官屬

唐永淳元年。三月。立皇孫重昭為皇太孫。將置府寮。高宗召吏部郎中王方慶問曰。前代故事如何。方慶進曰。臣按周禮有嫡孫。漢魏以來。皇太子在。亦不立太孫。晉惠帝永寧元年。立愍懷太子第三。襄陽王尚為皇太孫。太子官屬。即轉為太孫官屬。南齊永明十年。立文惠太子長子。南郡王昭業為皇太孫。便居東宮。今皇太子在而立太孫。旁求載籍。未有前例。上曰。自我作古。可乎。對曰。五帝不相沿樂。苟不失上下之序。不虧政理之道。亦何事而不可。上悅。方慶詳求典故。官屬乃奏太孫府。置師傅友文學祭酒及長史。

曹掾主簿管記司錄以下六曹從事等官各加王府一級上後頗以為疑竟不補授而止

朱子語錄曰或問東宮官屬曰唐六典載太子東宮官制甚詳如一小朝廷置詹事以統衆務則猶朝廷之尚書也置左右二春坊以領衆局則猶朝廷之中書門下省也左右春坊又皆設官又各帥其屬之意崇文館猶朝廷之館閣贊善大夫猶朝廷之諫議大夫其官職一視朝廷而為之隆殺此等制度猶存今之東宮官屬極苟簡左右春坊舊制選賢德者為之今遂用武弁之小有才者其次惟有講讀數員而已如贊善大夫諸官又但為階官非實有職業神宗以唐六典改官制當時亦有不曾討論者如東宮官屬之不備是舊嘗入劄論東宮官制踈畧宜倣舊損益之不報

六院四轄

檢院

周置大司寇南梁武帝天監元年詔於公府置

唐天寶九載改理匭使為獻納使後又改知匭使

宋雍熙元年改匭為檢東延恩曰崇仁南招諫曰思

賢招景德四年改為登聞檢院。命樞密直學士張詠判。仍差內品監門不得闕預公事。隸諫議大夫。掌受文武官及士民章奏表疏。凡言朝政得失。公私利害。軍期機密。陳乞恩賞。理雪冤濫。及奇方異術。皆受以通達。凡進狀者。先鼓院。若為所抑。則詣檢院。於外有淳化三年置理檢院於始乾元門西北廊。以知制誥錢若水領之。復唐制也。至道三年廢。天聖七年上。因讀唐史見匭函達下民冤枉之事。乃置匭中興之初。因舊制置局于闕門之前。函仍專以分記舊在宣撫門外。建炎三年。專隸諫院。南渡以來。創治所於和寧門之下。紹興戊寅。復承平之制。移置居雙闕之左。

登聞鼓院

古者朝有誹謗之木。敢諫之鼓。所以通治道而來諫者也。宋朝白。鼓司以內臣掌之。鼓在宣德門南街北廊。至道三年。命太子中舍王濟勾當鼓司。用朝臣勾當自此始。景德四年。詔改為登聞鼓院。掌諸上封而進之。以達萬人之情。隸司諫正言。凡文武臣寮閣門無例通進文字。並先經登聞鼓院進狀。未經鼓院者。檢院不得收接。建炎元年。因舊制置局于闕門之前。高宗即位於南京。召李綱為宰相。綱奏曰。今艱難之際。四方休戚利害。日欲上聞。而士民之願。効其智慮者。尤多。而檢院鼓猶未置也。三年。專隸諫院。恐非所以通下情而急先務也。

進奏院

唐藩鎮皆置邸京師。以大將主之。謂之上都留後。大曆十二年。改為上都知進奏院官。

五代以來。支郡不隸藩鎮。補人為者。聽其置邸。隸藩鎮者。兼掌焉。宋緣舊制。皆本州鎮補人為進奏官。其軍監場務轉運司。則差知後官。則副知掌之。遂州就京師。各置進奏院。太平興國六年。諸州罷知後之名。簡知後官。得李楚等百五十人。並充進奏官。命供奉官張文璨。提轄諸道進奏院。監官以京朝官及三班使臣充。掌受詔勅及諸司符牒。辯其州府軍監。以領下之。并受天下章奏案牘。狀牒以奏御。及分授諸司。中興以來。隸門下。後省。給事中點檢。訖乾道九年。依舊隸後省。合傳報事令。後省錄付報行。

官誥院

宋初於右掖門置院四司。誥身案並集于此。以備中書除改。本司郎官各主其事。淳化五年。始專置官司於省內。凡官誥各以本司誥身印印之。文臣用吏部。武臣用兵部。王公命婦用封。加勳用司勳。掌文武官將校誥身。及封贈官。誥院提舉一人。以知制誥充。判院一人。以帶職京朝官充。元豐五年。行官制。文武誥

身屬吏部。蕃官誥屬兵部封贈及命婦誥屬司封。加勲并將校告屬司勲官誥院四部誥身案。及吏人隨事隸本部。七年并司封司勲誥身案入吏部預書庫收掌。崇寧四年吏部轉置造官誥局。五年罷。令尚書右選主管。大觀元年復置。尋改為官誥院。仍隸左右司。三年復罷。歸吏部。政和三年六月詔依舊置官誥院。差官二員主管。少府監鑄印記。吏部製造誥身案記為文。中興以來因仍不改。

審計院

宋朝以三司使總邦計。司各有院。以秉中外泉穀出入之政。蓋會計之府也。然案牘從委典者不能徧察而姦容焉。淳化三年始用戶部使樊知古奏。剔其冗籍。復別為院。置官顯領之。以聽稍食之要貳。置院之初。特掌騎兵徒兵給受之數。猶未及諸司也。元豐三年合步騎兩院為一。遂以其一主諸司。自宮禁朝廷下至斗食佐史。凡賦祿者。以式法審其名數。而稽其辭受。唯郊賜給已。乃審祿有疑。予則詔以法。凡四方之計籍。上于大農。則逆其會。凡有司議調度會賦出則評焉。設員二。曰左右聽。分案六。史八人。其名舊為諸軍諸司專勾司。建炎元年。避高宗御諱。改諸軍諸

司審計官

糧料院

宋初仍舊制。以三司大將軍為都糧料使。自開寶六年。以著作佐郎陸光範充。改用京官自此始。太平興國五年。分諸司馬軍步軍為三院。八年。以馬軍步軍合為一院。雍熙四年。命供奉官陳慶晦勾當諸司糧料。供奉官曾祚勾當馬步軍糧料。自後復分馬步軍為兩院。或以諸司使副分主之。端拱二年。復以京朝官主之。元豐末。併馬步軍與諸司為二院。隸太府寺。掌以法式頒廩祿。凡文武百官諸司諸軍俸料。以券准給。中興以來。行在有諸軍諸司糧料院。鎮江建康有分差諸軍糧料院。鄂州有分差戶部糧料院。四川總所有分差戶部魚關糧料院。分差利州戶部糧料院。

推貨務都茶場

推貨務。掌折博斛米金帛之屬。以朝官諸司使副。內侍二人監。太平興國中。以先平嶺南。及交趾諸國入貢通關市。議於京師。置推易院。大中祥符中。併入推貨務。建炎中興。又創都茶場。給賣茶引。隨行在所。於推貨務置場。雖分兩司。而提轄監官。並通銜管幹。建

四年詔權貨務都茶場依舊隸左右司其提領措尋置並罷其都茶場仍令提轄推行務官兼行提轄徙越州一務場於建康又併真州一務場歸建康紹興五年詔建康鎮江兩務場只是給賣鈔引三十二年詔三省今後選差文臣充監更不差武臣乾道六年詔依舊通差武臣先是課入不立額唯視舊歲為等差是歲始昉分有定數歲總為錢二百四十萬萬行都受歲之所為數八十萬萬于建康者一百二十萬萬于鎮江者四十萬萬

雜買雜賣務

宋朝雜買務舊曰市買司太平興國四年改至道中廢咸平中復置以京朝及三班內侍三人監掌和市百物凡官禁官物所需以時供納雜賣務景德四年置掌受內外幣餘之物計直以待出貨或準折支用以內侍及三班二人監後亦差文武朝官紹興六年詔雜買務雜賣場置提轄官一員

文思院

宋朝太平興國三年置掌造金銀犀玉工巧之物金彩繪素裝鈿之飭以供輿輦冊寶法物及凡器服之用隸少府監熙寧三年詔文思院兩界監官立定文臣一員武臣一員並朝廷選差其內侍勾當官並罷

紹興三年。詔少府監併歸文思院。其上下界監官從工部辟差。工部言所轄文思院舊分上下界。監官三員內一員文臣。係京朝官。上界造作金銀珠玉。下界造作銅鐵竹木雜料。欲依舊分為上下界。從之。隆興二年。詔併禮物局入文思院。

左藏庫

掌受四方財賦之入。以待邦國之經費。其原蓋起於周職內主賦入。職歲主賦出。而邦布之入出。則外府又主之。皆其職也。晉始置左右藏令。唐於左右藏分建東西庫。以太府少卿知出納於左。長慶門之

東。宋初左右止一庫。置使領焉。太平興國二年。分為二庫。淳化三年。分置左右藏各二庫。四年廢右併入左。政和六年。修建新庫。以東西庫為名。中興因仍東西庫。各以文臣監。武臣同監。其東幣帛絁紬之屬在焉。其西金銀泉券絲纊之屬在焉。紹興二十七年。詔戶部於轄下丞簿內。選一員兼充左藏庫提轄官。此提轄所由始也。孝宗即位。詔將御前樁管激賞庫。撥歸左藏庫。以左藏南庫為名。專一樁管。應副軍期支遣。於是。有東西南三庫。尋罷南庫。大抵國家用度多靡於贍軍。四蜀湖廣江淮之賦類歸四總領所。

以餉諸屯。其送京者殆無幾。唯閩浙悉輸焉。東西庫歲入。以端計者。率百四十萬。以緡計者。率二千萬。給遣稱是。而大軍居十之七。宮禁百司。祿賜裁三之間。有非泛浩繁之費。則請于朝。往往出內帑封椿以補所闕。監官凡五人。分帑而治。舊以京朝官為之。今唯才是用。故四選通得入。

建炎以來。朝野雜記曰。六院官。檢鼓糧審官。誥進奏也。例以京官知縣有政績者為之。亦有自郡守除者。則繼即除郎。如庶伯可是也。故恩數畧視職事官。而不入雜壓。紹興十一年。胡汝明

以料院除監察御史。遂遷副端。乾道後。相繼入臺者。有宋敦書。蕭之敏。陳升卿。傅淇等數人。而六院彌重。彌為察官之儲矣。淳熙初。龔實之秉政。其內弟林宓。幹辦審計司。遇郊恩。而林尚京秩。乃白上。以六院官。班寺監丞之上。林用是得封贈父母。龔後為謝廓然所論。南竄。此其一事也。紹興二年。夏。六院官始復入雜壓。在九寺簿之下焉。

又曰。六院官入雜壓事。甲記已具。淳熙四年。既削去。近歲乃復舉行。其班在五寺主簿之下。太

學博士之上。六院官通計十二人。皆得轉對。但不入品耳。然六院以為邑有政績者為之。故例為察官之選。

又曰。四提轄。謂推貨務。都茶場。雜買務。雜賣場。文思院。左歲東西庫。是也。推貨務場。掌醴茗香。礬鈔引之政令。紹興初。沿宣政舊例。置提領官。率以故省吏為之。後乃改用士人。行在建康鎮江三務場。歲入凡二千四百萬緡。建康一千二百萬。鎮江四百萬。皆以都司提領。不係戶部之經費。而在建康鎮江者。分屬總領所。焉開禧末。以總所

侵用儲積錢。始徑隸提領官。不屬總所買務賣場。蓋唐宮市之遺制。近制凡宮禁月料。朝省紙劄。文思院之製造。和劑局之修合。皆所取給焉。至若斤左幣封椿之幣餘。編估打套。則賣場掌之。紹興六年。始置提轄官。總其事。先是四轄官。外補則為州內。遷則寺監。丞簿亦有徑為雜監司。或入三館者。乾道八年十二月。推貨王裡除。福建市舶左歲王楫除。九路鑄錢。淳熙七年三月。熊思校書郎。近歲望稍輕。往往更遷六院官。或出為添倅。非曩日之比矣。

總官觀

宋朝設祠祿之官。以佚老優賢。祖宗時負數絕少。官制舊典云。祖宗待臣以禮。雖年及掛冠。未熙寧以後。乃嘗直令致仕。皆以官觀處之。假以祿耳。熙寧以後。乃增焉。是時方經理時政。患疲老不任事者廢職。欲悉罷之。乃使任官觀。以食其祿。時相王安石亦欲以此處異議者。遂詔官觀毋限身。並差知州人。以三十月為任。

在京宮觀

宋朝舊制。以宰相執政充使。或丞郎學士以上充副使。兩省或五品以上為判官。內侍官或諸司使副。政和改為武臣官制。以使為都監。又有提舉提點主管官。其

戚里近屬及前宰執留京師者。多除宮觀。以示優禮之意。紹興二十一年。在京宮觀。依在外宮祠。以三十箇月為任。又紹興五年。詔任在京觀。請給以從前宰執依見任減十分之二。閣學士已上依六曹侍郎直學士已上依六曹侍郎左右司郎中任樞密都承旨閣學士已上依天曹尚書直學士已上依中書舍人太中大夫已上依中書舍人

宮觀使

唐天寶七載。以給事中楊釗充九成宮使。宮使之名自此始。南書部宋朝祥符中。真宗建玉清昭應宮。王魏公旦為首相。始命充使。宮觀置使自此始。又有景靈宮會靈觀使。然每為宰相兼職。天聖元年。呂夷簡為

相。時朝廷崇奉之意稍緩。因請罷使名。熙寧中。富鄭公弼領集禧觀使居洛。此宮觀使居外之所從始也。徽宗建玉清萬壽宮。乃命宰執兼使副。用真廟故事也。近以前宰執奉朝請者。領在京宮觀使。而在外舊相。只除提舉宮觀。非祖宗優待宰相之體。靖康以來。猶未釐正。蓋朝廷未暇講也。政和八年。太師魯國公蔡京。少傅太宰鄭居中。少保少宰余深。檢校太保領樞密院事童貫。並兼充神霄玉清萬壽宮使。知樞密院事鄧洵。門下侍郎薛昂。中書侍郎白時中。尚書左丞王黼。宣和殿大學士蔡攸。並兼充副使。渡江後。

前執政在經筵者。不以官高卑。率為觀使。若他官則使相已上乃得之。其居外者。必官至三少乃除。淳熙中。崇憲靖王自節度使拜使相。封郡王。中書進熟擬提舉洞霄宮。周文忠當制。引故事宗室使相。外居者當得觀使。上批如所請。紹熙初。趙文定以使相判潼川府。乞奉祠。乃除醴泉觀使。非舊典也。開禧末。陳勉之以特進罷相。不帶職。乃亦除觀使。蓋章達之侍郎當制失之。翊日李季章進呈。改提舉洞霄宮。合故典矣。天禧以前。崇觀以後。宮觀使之名甚衆。渡江以後。宮觀不復置。而觀使有三。前宰相則得醴泉。宗戚則

得萬壽。又其次則得佑神云。宣政間。又有提點宮觀官。在提舉之下。主管之上。今省。

提舉宮觀

宋朝真宗時。東西太一宮提舉。以兩省兩制丞郎官為之。掌奉齋醮之事。天聖七年。玉清宮災。遂罷使。而景靈會靈祥源三宮觀。以學士舍人管勾。李若谷罷參政。為資政殿大學士。提舉會靈觀。自是學士待制知制誥。皆得為提舉。晏元獻以舊相提舉萬壽觀。武臣李端愿。止得管勾祥源觀。今朝官亦云提舉。非故事也。

在外宮觀嶽祠

宋朝宮觀。皆俟力請而後授。侍從而上。任官觀者絕少。若因責降。改作主管。方且差焉。熙寧初。王安石相。異已者。方直除宮觀。大抵宮觀非自陳。而朝廷特差者。如降黜之例。二年。詔杭州洞霄宮。亳州明道宮。華州雲臺觀。建州武夷觀。台州崇道觀。成都府玉局觀。建昌軍仙都觀。江州太平觀。洪州玉隆觀。五嶽廟。並依嵩山崇福宮。舒州靈仙觀。置管勾。或提舉提點官。四年。詔宮觀嶽廟。留官一員。餘聽如分司致仕例。從便居住。六年。詔卿監職司以上。提舉餘官管勾當者。

又詔年六十以上者乃聽差。毋過兩任。兼用執政恩
例者。通不得過三任。後蔡京用事。增廣職任。崇寧三
年。添宮觀十政。和三年。添宮觀三十。名見續會要選人
亦許乞嶽廟。宣和王黼用事。外開新邊。以熙寧法革
之。一切不恤士夫。於是失祿矣。

文獻通考卷六十

